


華嚴疏鈔

C40  
4514



C40-4514



B 64853

當山三母嚴土辨難  
慈勤普天清出期可  
拜禮是誠心敬事未  
案書是為常法山  
了食王高六齋又百

大方廣佛華嚴經疏鈔卷二十


于闐國三藏沙門實叉難陀 譯

清涼山大華嚴寺沙門澄觀撰

十迴向品第二十五之八

佛子何者是菩薩摩訶薩真如相迴向

疏第八真如相迴向長行中二先廣明後結示前  
中亦二先明位行後辨位果前中亦三今初標名  
善根合以成迴向從所依立名義通能所故本業  
云常照有無二諦一切法一合相故若梵本中具  
名真如相自性迴向相即德相性即體性以二非



支那

經疏鈔卷二十

一

釋通 華嚴疏鈔卷之二  
卽離所以雙舉。多說德相。唐本單名。卽以法界印而爲其性。此與前後異者。謂第七明會事向理。故云平等。此明事盡理現。故行等同如。第九明從體起用。第十明用同體。同體而用。餘如第四迴向會釋。鈔從所依立各者。但言眞如相。卽是所依。善根合如故。義通能所常照者。以有能所。况一合相。復有二義。一有無不二。卽一合相。以同如故。二智與境冥絕。能所故。卽通能所爲如相矣。卽以法界下。四出體。能所契合。爲法界故。此與前後下。五揀濫。前卽第七以平等隨順衆生故。後卽九十。九卽離於能所縛著故。十入法界。亦契合故。故其四名。多分相濫。疏揀可知。餘如第四迴向者。彼以善根如於實際。故至一切處。前對此揀竟。故今不對第四揀之。

佛子。此菩薩摩訶薩。正念明了。其心堅住。遠離迷惑。專意修行。深心不動。成不壞業。趣一切智。終不退轉。志求大乘。勇猛無畏。植諸德本。普安世間。生勝善根。修白淨法。大悲增長。心寶成就。常念諸佛。護持正法。於菩薩道。信樂堅固。

疏第二依徵廣釋中。三初明隨相迴向。二佛子善

薩摩訶薩以此善根下離相迴向三佛子此菩薩摩訶薩如是迴向時得一切下迴向成益初中分二先積善迴向後佛子菩薩摩訶薩若見下觸境迴向前中亦二先明所迴行體後菩薩爾時慧眼下攝將迴向前中亦二先積集資糧後成就無量下結德成就今初文有十句初一爲總謂正念堅明下九爲別文有三節初三正念菩提一遠離迷惑是明了義專意修行卽爲正念正念是定明了是慧定慧雙運爲道之源二契理不動故曰深心緣不能沮成不壞業卽自分堅住二求佛不退

卽勝進堅住次四句正念化生初句爲總勇求兼濟爲大法故下三句別一悲智雙運爲明了般若爲衆德之本故二進善去漏爲正念三悲增智圓爲堅住後三正念三寶一念佛二護法三信僧上有正念下句堅固影畧該攝

成就無量淨妙善根勤修一切功德智慧爲調御師生衆善法以智方便而爲迴向

疏二結德成就文有四句前三結前一非止上十故云無量二三統而收之不出福智大悲末句生後迴向

菩薩爾時慧眼普觀所有善根無量無邊。

疏第二攝將迴向中二。先觀察善根。本期迴向。一以諸善根下。正明迴向。今初有二。一初總標。

其諸善根。修集之時。若求緣。若辦具。若淨治。若趣入。若專勵。若起行。若明達。若精審。若開示。

疏次其諸善下別顯。

如是一切有種種門。種種境。種種相。種種事。種種分。種種行。種種名字。種種分別。種種出生。種種修習。

疏三如是下總結於中二。先結種類。多門有十句。謂隨前求緣等。有多差別。一通游非一故。如一趣

入。爲用有門。爲用空門。乃至無量。故慈行童女云。諸佛各以異門。令我入此普莊嚴門。二隨其一門。緣何爲境。爲佛爲法等。三隨一境上相貌不同。四相所依事。謂色心等。五隨一事上。有多分位。六施等萬行。七能詮名字。八分別決擇。九生多知見。十若定若慧。上中下修。

其中所有一切善根。悉是趣向十力乘心之所建立。皆悉迴向一切種智。唯一無二。

疏後其中下。結修本意。本意既然。寧不迴向。

以諸善根如是迴向。所謂願得圓滿無礙身業修善。

撰述  
聖嚴禪師卷二十一  
四  
薩行願得清淨無礙。口業修菩薩行。願得成就無礙。意業安住大乘。願得圓滿無障礙心。淨修一切諸菩薩行。願起無量廣大施心。周給無邊一切衆生。願於諸法心得自在。演大光明。無能障蔽。願得明達一切智處。發菩提心。普照世間。願常正念三世諸佛。諦想如來常現在前。願任圓滿增上志樂。遠離一切諸魔怨敵。願得安住佛十力智。普攝衆生。無有休息。

疏第二正明迴向分二。初向菩提。二佛子菩薩摩訶薩。如爲已身下。迴向衆生。前中有二十願分三。初十願願成智行。卽菩提因果。

願得三昧遊諸世界。而於世間無所染著。願住諸世界。無有疲厭。教化衆生。恒不休息。願起無量思慧。方便成就菩薩不思議道。願得諸方不迷惑智。悉能分別一切世間。

疏二得三昧下。四願周徧利生。卽化用因果。一化所依。二化時處。三知藥治。四識病宜。

願得自在神通智力。於一念中。悉能嚴淨一切國土。願得普入諸法自性。見一切世間。悉皆清淨。願得生起無差別智。於一刹中。入一切刹。願以一切刹莊嚴之事。顯示一切教化。無量無邊衆生。願於一佛刹中。

撰述  
華嚴疏鈔卷二十  
五  
二無邊法界一切佛刹悉亦如是願得自在大神通智普能往詣一切佛土。

疏三得自在下六願普嚴佛刹卽淨土因果一神通智嚴淨事土二入理智嚴法性土亦非嚴嚴故三事理無礙智嚴帝網土四以前三嚴用化衆生上四因圓後二果滿。

佛子菩薩摩訶薩以諸善根願得莊嚴一切佛國願得周徧一切世界願得成就智慧觀察如爲己身如是迴向如是而爲一切衆生。

疏第二迴向衆生文三初牒前起後卽從後倒牒前之三段。

所謂願一切衆生永離一切地獄畜生閻羅王趣願一切衆生除滅一切障礙之業願一切衆生得周普心平等智慧願一切衆生於怨於親等心攝受皆令安樂智慧清淨願一切衆生智慧圓滿淨光普照願一切衆生思慧成滿了真實義願一切衆生以淨志樂趣求菩提獲無量智願一切衆生普能顯示安隱住處。

疏二所謂下正顯迴向文有八句初二願離三障障礙之言義兼煩惱次四成四智後一結一果謂

菩提涅槃菩提不唯四智故云無量。

佛子。菩薩摩訶薩。恒以善心。如是迴向。爲令一切衆生。遇清涼雲。注法雨。故爲令一切衆生。常值福田。勝境界。故爲令一切衆生。皆能善入菩提心。藏自護持。故爲令一切衆生。離諸蓋纏。善安住。故爲令一切衆生。皆獲無礙神通智。故爲令一切衆生。得自在。身普示現。故爲令一切衆生。成就最勝一切種智。普興利益。無空過。故爲令一切衆生。普攝羣品。令清淨。故爲令一切衆生。皆能究竟一切智。故爲令一切衆生。心不動搖。無障礙。故。

疏三佛子下。總結所爲。

佛子。菩薩摩訶薩。見可慶樂國土園林。草木華果。名香上服。珍寶財物。諸莊嚴具。或見可樂村邑聚落。或見帝王威德自在。或見任處離諸諠雜。見是事已。以方便智。精勤修習。出生無量勝妙功德。爲諸衆生。勤求善法。心無放逸。廣集衆善。猶如大海。以無盡善。普覆一切。爲衆善法所依之處。以諸善根。方便迴向。而無分別。開示無量種種善根。智常觀察一切衆生。心恒憶念善根境界。以等真如平等善根。迴向衆生。無有休息。

疏第二觸境迴向大同淨行對境發願於中五。一  
列所見境。二見是事下。覩境成德。謂增悲智。二以  
諸善根下。總明迴向。亦是迴向之德。四菩薩爾時  
下。別明迴向。五佛子下。迴向成益。前三可知。

菩薩爾時以諸善根如是迴向。所謂願一切衆生得  
諸如來可愛樂見。見法眞性。平等平等。無所取著。圓  
滿清淨。願一切衆生見諸如來甚可愛樂。圓滿供養  
願一切衆生往生一切無諸煩惱甚可愛樂。清淨佛  
刹。願一切衆生得見諸佛可愛樂法。願一切衆生常  
樂護持一切菩薩可愛樂行。願一切衆生得善知識

可愛樂眼。見無所礙。願一切衆生常見一切可愛樂  
物無有違逆。願一切衆生證得一切可愛樂法而勤  
護持。願一切衆生於一切佛可樂法中得淨光明。願  
一切衆生修諸菩薩一切能捨可愛樂心。願一切衆  
生得無所畏能說一切可愛樂法。願一切衆生得諸  
菩薩極可愛樂甚深三昧。願一切衆生得諸菩薩甚  
可愛樂陀羅尼門。願一切衆生得諸菩薩甚可愛樂  
善觀察智。願一切衆生能現菩薩甚可愛樂自在神  
通。願一切衆生能於諸佛大眾會中說可愛樂甚深  
妙法。願一切衆生能以方便開示演說甚可愛樂差

撰述  
華嚴疏鈔卷二十  
別之句。願一切衆生常能發起甚可慶樂平等大悲。願一切衆生念念發起甚可慶樂大菩提心常令諸根歡喜悅豫。願一切衆生能入一切甚可慶樂諸如來家。願一切衆生得可慶樂能調伏行調伏衆生無有休息。願一切衆生得諸菩薩甚可慶樂無盡辨才演說諸法。願一切衆生於不可說不可說劫住於一切可樂世界教化衆生心無厭倦。願一切衆生以無量方便普能悟入甚可慶樂諸佛法門。願一切衆生得可慶樂無礙方便知一切法無有根本。願一切衆生得可慶樂離貪欲際。知一切法畢竟無二。斷一切

障。願一切衆生得可慶樂離貪欲際。知一切法平等眞實。願一切衆生具足成滿一切菩薩甚可慶樂無戲論法。願一切衆生得金剛藏精進之心。成可慶樂一切智道。願一切衆生具可慶樂無礙善根。摧伏一切煩惱怨敵。願一切衆生得可慶樂一切智門。普於世間現成正覺。

疏四中初句總標標將說別。上起行中云。以諸善根方便迴向。未知迴向。其相云何。故云爾時如是迴向。後所謂下別顯顯如是言。二十一願。皆言令得可慶樂者。由見可慶樂境起可慶樂善故。願成

撰述  
香巖頭鈔卷二十  
九  
可慶樂德釋此諸願通有二意。一橫對上境發等流願。二豎配地位以彰總願。總者隨見一境卽多。多願該因果故言橫對者。初之十願對上國土。一若見國土當願衆生見法性土。二土之供具三通受用變化淨土餘皆土中之事可以意得。對此一境發十願者。以一例諸皆應有多。不欲繁文下漸從畧。鈔三通受用者。但言清淨變化亦有淨故。無諸煩惱則是受用。既衆生往生故皆通也。餘皆是土中之事者。四法卽法門流布。五行卽菩薩修行。六卽天眼常喜。世界生者。天眼徹見十方。七則

水鳥樹林花池寶閣。八護法。九證法。十心無著。疏次得無畏下三願對上園林。無漏法林。無所畏。故總持三昧爲園苑故。鈔無漏法林等卽淨名佛道品。無漏法林樹總持之園苑。下經三昧爲園苑故。

疏次一願對上草木。善觀五乘。三草二木。智差別。故。鈔對上草木者。三草二木卽法華藥草喻品。初會已引五乘差別。但由智異。故將善觀察智以對草木。

疏次三對華神通等法。如華開敷。虎來開演。皆華

敷故果之一種留在後明

疏從發大悲下。一願以對一境。謂大悲熏心。以對上香。令根喜悅。如彼上服。生如來家得珍寶分。以調伏行爲聖財物。無礙辨說爲莊嚴具。可樂世界。猶如於村。悟入多門等彼城邑。無礙無本。如彼聚落。畢竟無二。若國無二。王證離欲際。方得自在。無戲論法。爲離誼雜。後三句。卽對前果。

△疏二。豎配地位者。文分爲二。前顯因圓。後三果滿。前中分三。初七未入法者。令得入法。卽是地前。一最初發心。同佛見理。二行法供養。此二十信。三生

諸佛前。四解心見法。此二十住。五如說行。卽是十行。六同善友見。七觸境無違。此二十向。

疏二。證得下十七願。已入法者。令得入地。初二初地。一證如理。二得教光。三成施行。次一二地行。不慮誤犯。故無所畏。愛語偏多。故能說法。次二三地行。習諸禪定。求多聞故。次有三願。如次三地。謂焔慧觀道品。難勝具神通。現前深般若。次方便下二願。七地行。謂方便偏多故。雖善修空無相。而慈悲不捨衆生。故云平等大悲。次二八地行。謂諸佛勸起利他大心。無間現前。常悅豫故。得無生忍。眞生

家故。次二九地行。善知稠林。能調伏故。四十無礙  
辨。善說法故。次二十地行。得入劫智。入微塵世界  
等。廣利樂故。能受如來大法雨故。

疏三有四願。已入地者。成普賢位。一。一切境中。得  
無礙見覺法本源。無根本故。二。得無二任。斷二障  
故。三。任真實際。等如來故。四。得寂滅忍。無戲論故。  
疏第二三願。明果滿者。卽是三德。亦初金剛智而  
爲能斷。次離二礙。以爲所斷。此二爲無間道。後一  
解脫道。證成出現智。周法界。故用前二釋。文旨有  
據。次第無差。金剛幢之巧談。非說者之穿鑿也。

鈔第二三願者。能斷是般若。所斷是解脫。智周法  
界。卽法身。取所證故。又初智德。次卽斷德。後卽恩  
德。恩德故。能現世間。故涅槃三德釋中云。如來之  
身。亦非涅槃。通色身故。

佛子。菩薩摩訶薩。修習如是諸善根時。得智慧明。爲  
善知識之所攝受。如來慧日。明照其心。永滅癡冥。勤  
修正法。入諸智業。善學智地。流布善根。充滿法界。以  
智廻向。盡諸菩薩善根源底。以智深入。大方便海。成  
就無量廣大善根。

疏第五廻向。成益中。先明得時。後得智下。正顯十

撰述  
華嚴疏鈔卷二  
十一  
句攝爲五對。一以因感緣由智內明外爲友攝。二以緣感因外蒙慧照內滅癡冥。此除障益。三由勤修入三慧業。此明學益。四上學證智自善普充。此證入益。五盡善福源入實智海。此成二嚴益。卽爲向實際之本。以智窮入故。

佛子。菩薩摩訶薩。以此善根如是迴向。所謂不著世間。不取衆生。其心清淨。無所依止。正念諸法。離分別見。不捨一切佛自在慧。不違三世一切諸佛正迴向門。隨順一切平等正法。不壞如來真實之相。

疏第二離相迴向。卽向實際。此與前諸迴向小異。

前多攝相歸性。少有依性起相。今此多顯性相無礙。以爲如相。故上諸標文皆躡前隨相之時。今不要對前以成無礙。故無時字。文分爲二。初直明迴向後譬如下。對如廣辨。今初分二。初順如之行。二於諸佛法下。順如之益。前中亦二。先約心明。則止觀雙運。不著有無。後雖善下。約約行明。則權實雙行。不違性相。今初復二。一止寂妄取。不違體用。二等觀下。觀達空有。信智雙圓。前中初二句標。次其心下二句釋。上句無所取。故下句離能取。故不捨下明其不違。一不違因。二不違法。三不違果。所

以不違者不著無故。  
等觀三世無眾生相善順佛道善說於法深了其義  
入最勝地悟真實法智慧圓滿信樂堅固。

疏觀中初觀真空善順下觀其妙有。

雖善修正業而知業性空了一切法皆如幻化。知一  
切法無有自性觀一切義及種種行隨世言說而無  
所著除滅一切執著因緣知如實理觀諸法性皆悉  
寂滅了一切法同一實相知諸法相不相違背與諸  
菩薩而共同止修行其道善攝眾生入去來今一切  
菩薩迴向之門。

疏二權實雙行中。初句立宗以無礙為宗次句同  
喻如幻相有體即虛故後知一切下合及出所因  
一。法無性故二觀一切下觀無著故上二順於空  
如。三知如實下知一實故則順不空如。四知諸法  
下。結成無違。五與諸下。結成所作。謂能橫入一道  
豎入一門。鈔初句立宗者即雖善修正業而知  
業性空。量云。正業是有法。空有無礙是宗法。因云。  
緣成即無性故。同喻云。如幻。幻法從緣生。空有不  
相礙。正業從緣生。同彼幻法不相礙。  
於諸佛法。心無驚怖。以無量心。令諸眾生普得清淨。

於十方世界不起執取我我所心於諸世間無所分別於一切境界不生染著勤修一切出世間法於諸世間無取無依於深妙道正見牢固離諸妄見了真實法。

疏二順如益中十句五對。令四心彌固。一上安深法。下淨衆生。卽廣大心。二我不生。世見斯絕。卽不顛倒心。三於境無染。出世勤修。四不依世間。正道唯固。上二卽第一心。無任涅槃爲第一故。五妄見斯寂。了實體同。卽常心。常不捨離。同體悲故。鈔十句五對者。卽天親般若論中。答任問也。若依

無著。卽當第一發心任處。然無著十八任處。任任皆答三問。二問卽應云何任應云何修行。應云何降伏。秦經闕修行問。合在二中。言發心任處者。經佛告須菩提。菩薩應如是降伏其心。所有一切衆生之類。若卵生。若胎生。若濕生。若化生。若有色。若無色。若有想。若無想。若非有想。非無想。卽廣大心。我皆令入無餘涅槃。而滅度之。第一心也如是滅度無量無數無邊衆生。實無衆生得滅度者。常心也何以故。須菩提。若菩薩有我相。人相。衆生相。壽者相。卽非菩薩。不顛倒心也論偈云。廣大第一常。

其心不顛倒。利益深。心住。此乘功德滿。此偈上半標四心。下半說住義。四心利益。具自他行。故此深心菩薩。應住大乘。功德盡圓滿矣。四心者。三界九類皆盡度之。是廣大心。今入無餘涅槃。是第一心。二乘尚有三餘。非曰無餘。不名第一。今二種涅槃。無餘第一。四涅槃中。無住涅槃。方為第一。今言無餘。卽佛無住。往昔但有二涅槃。故不言無餘耳。彼疏科上二心。名加行住。言常心者。論云。如是取眾生如我身。常不捨離。是名常心。偈中利益解其常義。謂度眾生常不離大悲同體如我之心。故名常

矣。疏科此心為修行定。言不顛倒心者。疏科為折散心。言不顛倒者。論云。此示現離依止身。見眾生等相故。依身執我。名為身見。有我等四。卽非菩薩。是名顛倒。今離此四。卽是菩薩。非顛倒心。大雲言。此文卽根本智。前文大悲。是後得智。由根本智。離我見故。前大智悲觀無眾生相。始得成就。又大雲解實無眾生得滅度者。總有五義。一。眾生性空。故無可滅。二。菩薩後得智。同體大悲。離自身外。無別眾生。卽無他體。於根本智。必先自離我見之相。卽自無體。既無自他。實無眾生得滅度矣。三。一切衆

生本來寂滅不更滅故四順法性法性無念心若起念卽違法性故五解法界不度衆生天親解云平等眞法界佛不度衆生以衆生名各卽法界衆生陰身陰卽法界衆生與佛同一法界豈於此理度衆生哉故淨名云衆聖賢亦如也至於彌勒亦如也若彌勒得授記者一切衆生亦應授記以同一如不應別故斯理特深天親下文有此解者謂教地上諸大菩薩以初地上盡證眞如令地上學佛平等法界觀矣而今天親卽解此文大悲同體是教地前學地上觀故爲此釋天親妙意今日曉

矣釋曰上皆暉公之意今謂不然且問寂滅與空爲一爲異若言一者則初三不別若言異者異相云何豈不詮言法性本空寂耶又寂滅言但是盡相爲顯實耶若是顯實卽同第五同一法界又同體悲寧殊同一法界又五法界與順法性復何差別非無念智不名眞解是知論明法界生佛相望論明同體菩薩望生故不應二則上五解唯應爲二其無念義應合在於不顛倒心經唯舉我爲顛倒法執不亡豈非顛倒故不顛倒約止絕妄想同體常心觀冥眞理是故經文以不顛倒釋上常心

云何以故。由無妄故。方能契實。由契理故。方得無妄。一義相成。故無衆生得滅度者。一契空如。性空寂滅。故無可度。二契不空。同一法性。法性平等。故無可度。足顯玄妙。皆就諸佛菩薩觀心。非獨約理。故今疏文直取論意。便爲正解。復順今經。以今經證天親解經。妙符聖旨。

○疏第二對如廣辨如相廻向。生此段文。畧以五門分別。一釋名。眞謂眞實。顯非虛妄。如謂如常。表無變易。此法相宗。若法性宗云。不變爲眞。順緣曰如。由不變故。與有爲法。有非一義。由順緣故。與有

爲法。有非異義。而起信云。無遣曰眞。無立曰如。唯就遮詮。頓彰眞理。鈔順緣曰如者。卽隨緣義。淨名云。法隨於如。無所隨故。今謂如隨於法。無能隨故。以如性空。方能隨緣。成一切故。而起信下。此論解釋分中。初釋眞如門。正舉法體有二。一正顯如體。二會執釋名。初門論云。心眞如者。卽是一法界。大總相法門體。所謂心性不生不滅。一切諸法。唯依妄念。而有差別。若離心念。則無一切境界之相。是故一切法。從本以來。離言說相。離名字相。離心緣相。畢竟平等。無有變異。不可破壞。唯是一心。故

撰述  
華嚴疏鈔卷之三十一  
名真如釋曰。此上論文自有三段。一就實畧標。二一切諸法下。會妄顯真。三是故下。結真離妄。此三皆是正顯如體。卽離妄僞爲真。離異相爲如。今疏所引。卽會執釋名具足論云。以一切言說假名無實。但隨妄念不可得故。言真如者。亦無有相。謂言說之極。因言遣言。此真如體亦無可遣。以一切法悉皆真故。亦無可立。以一切法皆同如故。當知一切法不可說不可念。故名爲真如。釋曰。此上論文中。二先釋後當知一切下結。前中分三。初正會執。恐有執言。上言離名字相。何故復豈真如之名。故

云。此真如名亦是假說。二言說之極下。約名釋疑。疑云。若但假立。何故不立餘名。而立真如。釋云。真如者。言說之極。此後更無有名。故攝論中謂真如爲究竟名。故云極耳。因言遣言。立此極名。若無此名。無以遣名。若存此名。亦不遣名。三此真如體亦無可遣下。約相釋遣。古有多釋。今並不依。今謂此卽非安立真如。若安立說。遣妄曰真。顯理爲如。同唯識意。今正拂此二。無法非真。何有妄可遣耶。則真非真矣。無法不如。何有理可顯耶。故如非如矣。斯則無遣無立。爲非安立之真如矣。故疏結云。唯

就遮詮頓彰真理。

疏二明種類。或唯一味。無有差別。或分爲二。卽生空真如。法空真如。又安立非安立二。又空不空二。並如常釋。或分爲三。約三性辨。如瑜伽等。或分爲七。謂一流轉真如。卽諸行流轉實性。二實相真如。謂思惟諸法無二我性。三唯識真如。卽唯識性。四安立。五邪行。六清淨。七正行。上四卽如。次四諦體性。如顯揚說。或分爲十。十地當明。或有百門。十無盡。如今經辨。則上來所列。皆是其中一義。設言通一切法。亦一義耳。鈔二明種類。總有六門。謂

一。二。三。七十。及百爲六類。一中有三。及六真如。并八真如。總有十義。餘如十藏。及前諸會已說。唯七真如。今當說之。卽顯揚論第三卷攝事品第一之三。論曰。真如作意相者。謂緣七種徧滿真如作意。廣說如經。一流轉真如作意。謂已見諦諸菩薩。以增上法行。善修治作意。於深淨法時。思惟諸行。無始時來。流轉實性。既思惟已。離無因見。及不平等見。二實相真如作意。謂如前說。乃至於染淨法。因思惟諸法衆生無我性。及法無我性。既思惟已。一切身見。及思惟分別衆相作意。不復現行。三唯識

真如作意謂如前說。乃至於染淨法所依。思唯諸法唯識之性。既思惟已。如實了知。唯心染故衆生染。唯心淨故衆生淨。因安立真如作意。謂如前說。乃至於染淨法體。思惟苦諦。既思惟已。欲令知故。爲有情說。五邪行真如作意。謂如前說。乃至染汚法因。思惟集諦。欲令斷故。爲有情說。六清淨真如作意。謂如前說。乃至於清淨法體。思惟滅諦。既思惟已。欲令證故。爲有情說。七止行真如作意。謂如前說。乃至於清淨行。思惟道諦。既思惟已。欲令修故。爲有情說。釋曰。作意之義。卽菩薩觀。餘可知。疏

但列名畧囑而已。

疏三辨德用。一成依持用。與一切法而爲所依。此能持故。二成觀境。謂爲賢聖證觀境故。亦是百門之一德耳。起信說有三大。一者體大。謂真如平等。不增減故。二相大。謂具足無量性功德故。三用大。能成一切世間出世間善因果故。然彼依心說於三大。真如乃是一。以一統二。二皆屬如。然違真名惡。契如則滅。順真爲善。稱如則大。約善順義。故說如爲善因。然違順雖殊。離如則無可違。故惡亦以如爲體。若會此經百門之內。或體或相。或用或

兼實則一一皆通體等。故爲百門。融通理事。使重  
重無盡。猶如帝網。鈔一成。依持用者。卽唯識論  
眞如爲迷悟依。如四轉依義中廣辨。十地再辨。起  
信等者。疏文有四。一引論三大。全是論文。而體大  
中一者體大下。欠一切法言耳。斯卽立義分中。彼  
疏釋體云眞性深廣。而凡聖染淨皆以爲依。故受  
大名。隨流加染而不增。反流除染而不減。又反流  
加淨而不增。隨流闕淨而不減。良以染淨之所不  
虧。始終之所不易。故云平等不增減也。二相大論  
云。謂如來藏具足無量性功德。故疏釋云。一種藏

中。不空如來藏也。今疏畧無如來藏言。但約眞如  
以說相故。謂不異體之德。故云性功德也。如水八  
德。不異於水。三用太全同。彼疏釋云。謂隨淨業。約  
自然大用。報化二身。籠細之用。令諸衆生。始成世  
善。終成出世善故。彼論下文具顯用相。然彼依心  
下。第二對會。今經亦是解妨。妨云。彼論於依一心  
法而立三大。眞如乃是其一。何得眞如具三大耶。  
故彼立義分中云。摩訶衍者。總說有二種。一者法。  
二者義。所言法者。謂衆生心。是心則攝一切世間  
出世間法。依於此心。顯是摩訶衍義。所言義者。則

撰述  
疏四約教不同者。小  
乘但有生空。始教卽立二空。及六七等。不卽於事。  
終教則卽事卽如。頓教多用非安立義。圓教卽是  
百門。重重無盡。  
疏五釋文者。然此百門。古釋非一。一英法師十  
分之。如次配於十位中。如一賢首位。二十住。二十  
行。四十向。五淨心地。六行迹地。七決定地。八究竟  
有三種。一者體大等通局。旣異。何得引耶。故下通  
云。以一統二。二皆屬如。故下解釋分中。分爲三門。  
眞如卽是一法界大總相法門體。又此二門。不相  
離。故故如必有相用。二也。然違眞下。三釋用大義。  
似太局。亦各解妨。妨云。眞如旣爲一切法體。隨流  
成法。何得不言能生惡因果耶。故爲此通。是以瓔  
珞經云。始起一想。任於緣。順第一義諦。名之爲善。  
背第一義諦。名之爲惡。約違義邊。不言生惡。於中  
先明不言生惡。所以然。違順雖殊。下釋爲惡體。藏  
和尚云。以違眞故。不得離眞。以違眞故。非其用也。

故今疏云。離如則無可違。故不離也。如波違水。離  
水無波。若會此經下。第四會釋經文具闕。至下當  
知。

疏四約教不同。可以思準。鈔四約教不同者。小  
乘但有生空。始教卽立二空。及六七等。不卽於事。  
終教則卽事卽如。頓教多用非安立義。圓教卽是  
百門。重重無盡。  
疏五釋文者。然此百門。古釋非一。一英法師十  
分之。如次配於十位中。如一賢首位。二十住。二十  
行。四十向。五淨心地。六行迹地。七決定地。八究竟

撰述  
地九等覺地十佛地更有諸德各分十門賢首並皆不許遠公分三初十配地前次八十八句配地上後二句佛地中如理皆難通佛地何以無前如德如第二門眞實爲性何以不得通於諸位若取隨位之德以立如名如十地十如理則可通然又不出其相實則百門之德必貫之一如能如之德豈無異相異相難見且從不分分亦無過故末句云究竟清淨義同於果鈔理皆難通下一辨順違於中二意初奪分者次若取下縱成分義責不出相貌後實則縱成一義

疏今且十十科之以配十地十如鈔今且十十下三申今正解上辨順違二皆有理後有究竟分則理長

疏初徧一切及無相爲相等卽徧滿眞如之義鈔初徧一切下別顯卽爲十段依唯識第九前雖隨地別釋今爲對文類例併舉今初徧一切處及無相爲相卽徧滿眞如謂此眞如二空所顯無有一法而不在故世親釋云謂此法界徧一切行以無少法非無我故今言二空無有一法非二空故今疏云徧滿一切徧滿義彰無相爲相卽二空相

撰述  
疏二中無能測量無有比對卽最勝義。鈔二中  
等者唯識釋最勝真如云謂此真如具無邊德於  
一切法最爲勝故。注云由能離犯戒垢證此真如  
德莊嚴故。今無測無對卽最勝義。

疏三中於法無礙爲衆法眼卽勝流義。鈔三中  
下論釋勝流真如云謂此真如所流教法於餘教  
法最爲勝故。注由得三慧照大乘法觀此法教根  
本真如名勝流真如或證此如說法勝故。今云於  
法無礙卽教法等爲衆法眼亦勝流矣。

疏四中無著無任等卽無攝受義。鈔四中等者  
論云四無攝受真如謂此真如無所繫屬非我執  
等所依取故。世親解云於此如中無計我所無攝  
我所如北洲人無繫屬故應說此如非我執我慢  
我凌無明邊見我所見等所依取故。今無著無任  
卽無攝受。

疏五中畢竟無盡無有變易卽類無別義。鈔五  
中下論云五類無別真如謂此真如類無差別非  
如眼等類有異故。注謂生死涅槃二皆平等故無  
差別。今竟無盡變豈有別耶。

疏六中無有分別體性無生卽無染淨義。鈔六

中下論云六無染淨真如謂此真如本性無染亦不可說後方淨故中邊釋云由六地觀十二因緣知緣起法無染無淨非謂如也由真如故法無染淨名此真如爲無染淨今無分別何有染淨。

疏七中無所不在任有無法卽法無別義。鈔七中下論云七法無別真如謂此真如雖多教法種種安立而無異故注雖諸教法依如建立如無異故今無所不在何有別耶有無同如法豈別耶。

疏八中體性清淨體性平等卽不增減義。鈔八中下論云八不增減真如謂此真如離增減執不隨染淨有增減故卽此亦各相土自在所依真如謂若證得此真如已現相現土俱自在故注謂凡位不減聖位不增故今清淨平等豈有增減。

疏九中徧一切法是佛境界卽智自在義。鈔九中下論云九智自在真如謂若證得此真如已於無礙解得自在故注謂此地中得無礙解名智自在今徧一切智何不知是佛境界真自在也。

疏十中任一切地成就一切諸佛菩薩等卽業自在義其中餘義可以類取。鈔十中下論云十業自在真如謂若證得此真如已普於一切神通作

業總持定門皆自在故。今任一切地成佛菩薩業自在矣。然此十如約詮辨體若不爾者。且如非先不徧。今者方徧。若不約詮說徧何法。上來畧取文中各有二義以成其名。餘各八義取類本名。可以意得。

疏隨地別顯唯說十如。一具一切十十成百。欲顯如德無量無邊。鈔隨地別顯下第二解妨。總有四妨。第一百不同妨。謂有妨云。彼唯十如。此中說百。何要將百以同十耶。故疏釋云。爲順十地。且說十如。理實真如。具無盡德。十十融攝。且說百門。百十皆是一周圓數。順無盡耳。

疏地前通修等覺徧等。如來窮證。鈔地前通修者。第二通前後無如妨。妨云。將百門如。配十地如。地前等妙。應無如矣。故爲通云。地前通修十如等。覺徧等十如。妙覺窮證十如。但同地如。無不同矣。疏然異從義別。體本常融。但契一如。自含衆德。非由作意。順差別如。能通迴向。亦融攝無礙。鈔然異從下第三通如觀難成妨。妨云。十地菩薩。一地之內。唯觀一如。加行既成。方證其一。今羅百數。成觀何由。况一味之如。何由契合。故今答云。約行布

說別證十如。就圓融修。一含衆妙。加行有異。說十不同。正證相應。本唯一味。隨門入理。畧有百門。若契一門。自含衆妙。如海一滴。味具百川。牽衣一角。全體來矣。故唯識云。雖真如性體無差別。而隨勝德假立十種。十既假立。百門亦然。德用多門。非體不一。言能同迴向者。由如融攝。行順於如。亦融攝矣。故初地中。徧達十如。隨能證行。後後建立。

疏稱如起行。體卽是如。但人信如德。尚迷迴向。故以如德喻迴向德。若取文義便者。應云真如體相徧一切處。善根迴向。以同如故。亦徧一切無邊際。

等。又徧一切。方得同如。鈔稱如起行下。第四通迴向。非如妨。妨云。夫如普徧。無法非如。何有如外。別有迴向。以爲所喻。通意有二。一以其所信喻所不信。二若取文義下。立爲體式。則無前難。

疏百門之內。各有二句。上卽所同之如德。下善根下。能同迴向之德。鈔百門之內下。第三釋文。於中有二。先總。

譬如真如徧一切處。無有邊際。善根迴向。亦復如是。徧一切處。無有邊際。譬如真如。真實爲性。善根迴向。亦復如是。了一切法。真實爲性。譬如真如。恒守本性。

撰述  
善嚴疏鈔卷三十一  
五  
無有改變善根迴向亦復如是守其本性始終不改  
譬如真如以一切法無性爲性善根迴向亦復如是  
了一切法無性爲性譬如真如無相爲相善根迴向  
亦復如是了一切法無相爲相譬如真如若有得者  
終無退轉善根迴向亦復如是若有得者於諸佛法  
永不退轉譬如真如一切諸佛之所行處善根迴向  
亦復如是  
一切如來所行之處譬如真如離境界相  
而爲境界善根迴向亦復如是離境界相而爲三世  
一切諸佛圓滿境界譬如真如能有安立善根迴向  
亦復如是  
悉能安立一切衆生譬如真如性常隨順  
善根迴向亦復如是盡未來劫隨順不斷

疏最初十中初門顯在緣中故無不徧二明不變  
故云真實三明隨緣卽不變云恒守本性四示其  
性五示其相此五一向就如以辨次二對智以說  
故爲智境八顯真如非境爲境謂要忘境方契如  
境故如之本性非安立故九卽安立如十卽如常  
之義餘可思準逐難當解 鈔後最初下別既依  
十如則十十科之

譬如真如無能測量善根迴向亦復如是等虛空界  
盡衆生心無能測量譬如真如充滿一切善根迴向

亦復如是一刹那中普周法界。

疏十二云充滿一切者謂若色若心若大若小等極微剎那亦皆圓滿非分滿故如不可分分則多過卽由此義及下四十不離諸法故諸法隨如徧一塵中故下果中得此門故一毛容納一切剎等譬如真如常住無盡善根迴向亦復如是究竟無盡譬如真如無有比對善根迴向亦復如是普能圓滿一切佛法無有比對。

疏十四無比對者法性不並真故。

譬如真如體性堅固善根迴向亦復如是體性堅固非諸惑惱之所能沮譬如真如不可破壞善根迴向亦復如是一切衆生不能損壞。

疏十五惑不能壞十六人不能壞。

譬如真如照明爲體善根迴向亦復如是以普照明而爲其性。

疏十七寂而常照智卽如用故。

譬如真如無所不在善根迴向亦復如是於一切處悉無不在譬如真如徧一切時善根迴向亦復如是徧一切時譬如真如性常清淨善根迴向亦復如是住於世間而體清淨譬如真如於法無礙善根迴向。

亦復如是。周行一切而無所礙。譬如真如爲衆法眼。善根迴向亦復如是。能爲一切衆生作眼。

疏二十二。旣以照明爲體。何無照矚之眼。又由見如成法眼故。大般若云。三世諸佛。皆以性空而爲佛眼。鈔大般若者。見性爲佛眼故。

譬如真如。性無勞倦。善根迴向亦復如是。修行一切菩薩諸行。恒無勞倦。譬如真如。體性甚深。善根迴向亦復如是。其性甚深。譬如真如。無有一物。善根迴向亦復如是。了其性無有一物。譬如真如。性非出現。善根迴向亦復如是。其體微妙。難可得見。譬如真如。離衆垢翳。善根迴向亦復如是。慧眼清淨。離諸癡翳。譬如真如。性無與等。善根迴向亦復如是。成就一切諸菩薩行。最上無等。譬如真如。體性寂靜。善根迴向亦復如是。善能隨順寂靜之法。譬如真如。無有根本。善根迴向亦復如是。能入一切無根本法。

疏三十二云。無根本者。前無所依故。卽無住本故。

譬如真如。體性無邊。善根迴向亦復如是。淨諸衆生。其數無邊。譬如真如。體性無著。善根迴向亦復如是。畢竟遠離一切諸著。譬如真如。無有障礙。善根迴向亦復如是。除滅一切世間障礙。譬如真如。非世所行。

撰述  
善根迴向亦復如是。非諸世間之所能行。譬如真如體性無任。善根迴向亦復如是。一切生死皆非所任。譬如真如。性無所作。善根迴向亦復如是。一切所作悉皆捨離。譬如真如。體性安任。善根迴向亦復如是。安任真實。

疏二十七云。安任者。由無所任。安任真實故。

譬如真如。與一切法。而共相應。善根迴向亦復如是。與諸菩薩。聽聞修習。而共相應。譬如真如。一切法中。性常平等。善根迴向亦復如是。於諸世間。修平等行。譬如真如。不離諸法。善根迴向亦復如是。盡未來際。不捨世間。譬如真如。一切法中。畢竟無盡。善根迴向亦復如是。於諸衆生。迴向無盡。

疏四十一。畢竟無盡者。雖在諸法。諸法盡而體常。又正在法中。取不可盡。如芥子之空故。

譬如真如。與一切法。無有相違。善根迴向亦復如是。不違三世一切佛法。譬如真如。普攝諸法。善根迴向亦復如是。盡攝一切衆生善根。譬如真如。與一切法。同其體性。善根迴向亦復如是。與三世佛同一體性。譬如真如。與一切法。不相捨離。善根迴向亦復如是。攝持一切世出世法。譬如真如。無能映蔽。善根迴向。

撰述  
善根迴向  
亦復如是。一切世間無能映蔽。譬如眞如不可動搖。善根迴向亦復如是。一切魔業無能動搖。譬如眞如性無垢濁。善根迴向亦復如是。修菩薩行無有垢濁。譬如眞如無有變易。善根迴向亦復如是。愍念衆生心無變易。譬如眞如不可窮盡。善根迴向亦復如是。非諸世法所能窮盡。譬如眞如性常覺悟。善根迴向亦復如是。普能覺悟一切諸法。

疏五十一。性常覺悟者。能內熏發起厭求故。譬如眞如不可失壞。善根迴向亦復如是。於諸衆生起勝志願。永不失壞。

疏五十二。不可失壞者。在於生死染而不染故。

譬如眞如能大照明。善根迴向亦復如是。以大智光照諸世間。

疏五十三。卽大智光明徧照法界義故。

譬如眞如不可言說。善根迴向亦復如是。一切言語所不可說。

疏五十四。離言眞如。

譬如眞如持諸世間。善根迴向亦復如是。能持一切菩薩諸行。譬如眞如隨世言說。善根迴向亦復如是。隨順一切智慧言說。譬如眞如徧一切法。善根迴向。

撰述  
亦復如是。徧於十方。一切佛刹。現大神通。成等正覺。譬如眞如。無有分別。善根迴向。亦復如是。於諸世間。無所分別。譬如眞如。徧一切身。善根迴向。亦復如是。徧十方刹。無量身中。譬如眞如。體性無生。善根迴向。亦復如是。方便示生。而無所生。譬如眞如。無所不在。善根迴向。亦復如是。十方三世諸佛土中。普現神通。而無不在。

疏六十一。無所不在者。上徧一切。卽無邊際。今隨一一法。皆全在中。

譬如眞如。徧在於夜。善根迴向。亦復如是。於一切夜。放大光明。施作佛事。

疏六十二。在晝夜。乃至盡未來者。一念長劫。各各收如。各各依如。故得念劫互收互入。

譬如眞如。徧在於晝。善根迴向。亦復如是。悉令一切。在晝衆生。見佛神變。演不退輪。離垢清淨。無空過者。譬如眞如。徧在半月。及以一月。善根迴向。亦復如是。於諸世間。次第時節。得善方便。於一念中。知一切時。譬如眞如。徧在年歲。善根迴向。亦復如是。任無量劫。明了成熟。一切諸根。皆令圓滿。譬如眞如。徧成壞劫。善根迴向。亦復如是。任一切劫。清淨無染。教化衆生。

撰述  
咸令清淨。譬如眞如。盡未來際。善根迴向。亦復如是。盡未來際。修諸菩薩。清淨妙行。成滿大願。無有退轉。譬如眞如。徧任三世。善根迴向。亦復如是。令諸衆生。於一刹那。見三世佛。未曾一念。而有捨離。譬如眞如。徧一切處。善根迴向。亦復如是。超出三界。周徧一切。悉得自在。譬如眞如。任有無法。善根迴向。亦復如是。了達一切。有無之法。畢竟清淨。

疏七十。任有無者。理無惑計。有無常實故。鈔理無惑計者。卽生公十四科實相義中。具云。夫惑情所封。則兩端斯失。失理背宗。所計皆虛。理無惑計。則有無並實。實則說空。可以祛滯。有者之惑。明有可以釋守。空者之迷。斯則空有二教。旨俱得實。釋曰。此中有三。初約情非。二約理是。三約教眞。今當其中。但用理是。

譬如眞如。體性清淨。善根迴向。亦復如是。能以方便。集助道法。淨治一切諸菩薩行。譬如眞如。體性明潔。善根迴向。亦復如是。令諸菩薩。悉得三昧明潔之心。疏七十二。性覺爲明。離念爲潔。

譬如眞如。體性無垢。善根迴向。亦復如是。遠離諸垢。滿足一切諸清淨意。譬如眞如。無我我所。善根迴向。

撰述  
善嚴師金卷三十一  
三十一  
亦復如是以無我我所清淨之心充滿十方諸佛國  
土譬如真如體性平等善根迴向亦復如是獲得平  
等一切智智照了諸法離諸癡翳譬如真如超諸數  
量善根迴向亦復如是與超數量一切智乘大力法  
藏而同止住與徧十方一切世界廣大法雲譬如真  
如平等安住善根迴向亦復如是發生一切諸菩薩  
行平等住於一切智道譬如真如徧任一切諸衆生  
界善根迴向亦復如是滿足無礙一切種智於衆生  
界悉現在前譬如真如無有分別普任一切音聲智  
中善根迴向亦復如是具足一切諸言音智能普示

現種種言音開示衆生譬如真如永離世間善根迴  
向亦復如是普使衆生永出世間譬如真如體性廣  
大善根迴向亦復如是悉能受持去來今世廣大佛  
法恒不忘失勤修一切菩薩諸行譬如真如無有間  
息善根迴向亦復如是爲欲安處一切衆生於大智  
地於一切劫修菩薩行無有間息譬如真如體性寬  
廣徧一切法善根迴向亦復如是淨念無礙普攝一  
切寬廣法門譬如真如徧攝羣品善根迴向亦復如  
是證得無量品類之智修諸菩薩眞實妙行譬如眞  
如無所取著善根迴向亦復如是於一切法皆無所

取除滅一切世間取著。普令清淨。譬如真如。體性不動。善根迴向。亦復如是。安住普賢圓滿行願。畢竟不動。譬如真如。是佛境界。善根迴向。亦復如是。令諸眾生。滿足一切大智境界。滅煩惱境。悉令清淨。譬如真如。無能制伏。善根迴向。亦復如是。不爲一切眾魔事業。外道邪論之所制伏。譬如真如。非是可修。非不可修。善根迴向。亦復如是。捨離一切妄想取著。於修不修。無所分別。

疏八十九。非可修者。無所得故。非不可修者。爲聖境故。

譬如真如。無有退捨。善根迴向。亦復如是。常見諸佛。發菩提心。大誓莊嚴。永無退捨。譬如真如。普攝一切世間言音。善根迴向。亦復如是。能得一切差別言音。神通智慧。普發一切種種言詞。譬如真如。於一切法。無所希求。善根迴向。亦復如是。令諸眾生。乘普賢乘。而得出離。於一切法。無所貪求。譬如真如。任一切地。善根迴向。亦復如是。令一切眾生。捨世間地。任智慧地。以普賢行。而自莊嚴。譬如真如。無有斷絕。善根迴向。亦復如是。於一切法。得無所畏。隨其類音。處處演說。無有斷絕。譬如真如。捨離諸漏。善根迴向。亦復如

是令一切衆生成就法智了達於法圓滿菩提無漏功德。

疏九十五捨離諸漏者。準梵本云。阿那薩羅。譬此云無漏。今言捨者。性本捨故。猶心體離念。

譬如真如。無有少法而能壞亂。令其少分非是覺悟。善根迴向。亦復如是。普令開悟。一切諸法。其心無量。徧周法界。

疏九十六云。無有少法而能壞亂。令其少分非覺悟者。如徧非情。則有少分非是覺悟。况經云。佛性除於瓦石。論云。在非情數中。名爲法性。在有情數

中。名爲佛性。明知非情非有覺性。故應釋言。以性從緣。則情非情異。爲性亦殊。如涅槃等。况緣從性。則非覺不覺。本絕百非。言亡四句。若二性互融。則無非覺悟。起信云。以色性卽智性。故說名智身。以智性卽色性。故說名法身。徧一切處。論云。菩提菩提。斷俱名爲菩提。說智及智處。俱名爲般若。若亦可證此。旣二性相卽緣復卽性。故無少分非覺悟者。况心爲總相。又融攝重重哉。鈔無有少下。文中三意。初牒經。二如徧非情下。設難。三故應釋云下。會通。然此段疏。爲遮妄執一切無情有佛性義。就

撰述  
華嚴疏鈔卷二十  
計此義自有淺深。一謂精神化爲土木金石。梟鏡負塊以成於子。情變非情。非情變情。斯爲邪見。不異外道。衆生計生草木有命。故不可也。若說無情同一性。故則稍近宗。亦須得意。彼本立意。約於眞如自體徧故。眞實之性。無有二故。涅槃經說。第一義空爲佛性。故一切法中。有安樂性。攝境從心。無非心。故色性智性。體無二。故如是等文。諸經具有。今謂此釋。太卽太過。失情無情。壞於性相。若以涅槃第一義空。該通心境。涅槃何以揀於瓦礫。言無性耶。廣如別破。今直顯正義。謂性與相。非一非異。

情與非情。亦非一非異。故應釋言。以性從緣等。一如涅槃者。揀去牆壁瓦礫等。故二無覺不覺者。眞性之中。無心境。故三無非覺悟。以無情性。融覺性。故。故引起信。文畧一句。然其此義。前已引竟。今此復要彼論通問。問云。若諸佛法身。離於色相者。云何能現種種色相。答卽此法身。是色體。故能現於色。所謂從本已來。色心不二。以色性卽智性。故色體無形。說名智身。以智性卽色性。故說名法身。徧一切處。今取二性相卽互融之義。說耳。論云等者。引證。非正證。前故云亦可證。此可爲證者。智及智

處同般若故。既二性下。結釋經文。况心爲總相下。舉况以釋。前結一性義。今結唯心義。總相則無所不攝。又融攝重重。卽本經意。隨舉一塵。卽舍法界。何令色境非一性耶。

譬如真如。過去非始。未來非末。現在非異。善根迴向。亦復如是。爲一切衆生。新新恒起。菩提心。願普使清淨。永離生死。

疏九十七云。過去非始等者。過去初際。所以名始。未來爲終。故稱爲末。現在似有。已未分之。無覺在時。故名爲異。今明真如。雖徧三世之中。體絕三世。

初中後相。故並言非。迴向亦爾。雖爲衆生新新起。願同彼真如。徧三世中。而令永離三世生死之相。方名清淨。而晉本云。過去非同。未來非故。現在非異。若以今文會取。非同過去之始。雖在未來。非是性本故有。又晉經誤將後門三世無分別。同入此門。致令百數闕一。紛然異解。繁不敘之。

譬如真如。於三世中。無所分別。善根迴向。亦復如是。現在念念。心常覺悟。過去未來。皆悉清淨。

疏言三世無分別者。前約遮詮。不同三世。今約顯詮。常無分別。意旨相似。故晉本合之耳。又上不同

三世總顯非新今無分別亦明非故而性相互融  
能新能故新故雙絕矣。

譬如真如成就一切諸佛菩薩善根迴向亦復如是  
發起一切大願方便成就諸佛廣大智慧譬如真如  
究竟清淨不與一切諸煩惱俱善根迴向亦復如是  
能滅一切衆生煩惱圓滿一切清淨智慧。

佛子菩薩摩訶薩如是迴向時得一切佛刹平等普  
嚴淨一切世界故得一切衆生平等普爲轉無礙法  
輪故得一切菩薩平等普出生一切智願故得一切  
諸佛平等觀察諸佛體無二故得一切法平等普知

諸法性無易故得一切世間平等以方便智善解一  
切語言道故得一切菩薩行平等隨種種善根盡迴  
向故得一切時平等勤修佛事於一切時無斷絕故  
得一切業果平等於世出世所有善根皆無染著咸  
究竟故得一切佛自在神通平等隨順世間現佛事  
故佛子是爲菩薩摩訶薩第八真如相迴向。

疏第三迴向成益及結名並顯可知。

菩薩摩訶薩任此迴向證得無量清淨法門能爲如  
來大師子吼自在無畏以善方便教化成就無量菩  
薩於一切時未曾休息得佛無量圓滿之身一身充

撰述  
聖  
徧一切世界得佛無量圓滿音聲。一音開悟一切衆生。得佛無量圓滿之力。一毛孔中。普能容納一切國土。得佛無量圓滿神通。置諸衆生於一塵中。得佛無量圓滿解脫。於一衆生身。示現一切諸佛境界。成等正覺。得佛無量圓滿三昧。一三昧中。普能示現一切三昧。得佛無量圓滿辨才。說一句法。窮未來際。而不可盡。悉除一切衆生疑惑。得佛無量圓滿衆生。具佛十力。盡衆生界。示成正覺。

疏大文第二菩薩住此下。明位果。初牒得因。後證得下。正顯所得。文有十句。初總餘別。皆云無量者。

同如廣大無盡故。皆云得佛者。同佛所證。故作佛事故。

佛子。是爲菩薩摩訶薩。以一切善根。順真如相。迴向。

疏大文第二佛子下。總以結示。

爾時金剛幢菩薩。承佛威力。普觀十方。而說頌言。

疏第二應頌。二十九偈分四。

菩薩志樂常安住。正念堅固離癡惑。其心善軟恒清涼。積集無邊功德行。

菩薩謙順無違逆。所有志願悉清淨。已得智慧大光明。善能照了一切業。

疏初六頌隨相於中先二所迴行體。

菩薩思惟業廣大種種差別甚希有。決意修行無退轉。以此饒益諸羣生。

諸業差別無量種。菩薩一切勤修習。隨順眾生不違意。普令心淨生歡喜。

已升調御人尊地。離諸熱惱心無礙。於法於義悉善知。爲利羣生轉勤習。

菩薩所修衆善行。無量無數種種別。於彼一切分別知。爲利羣生故迴向。

疏後四迴向之行。

以妙智慧恒觀察。究竟廣大真實理。斷諸有處悉無餘。如彼真如善迴向。

譬如真如徧一切。如是普攝諸世間。菩薩以此心迴向。悉令衆生無所著。

菩薩願力徧一切。譬如真如無不在。若見不見念悉周。悉以功德而迴向。

夜中隨任晝亦任。半月一月亦隨任。若年若劫悉任中。真如如是行亦然。

所有三世及刹土。一切衆生與諸法。悉任其中無所任。以如是行而迴向。

譬如真如本自性菩薩如是發大心真如所在無不在以如是行而迴向

譬如真如本自性其中未曾有一法不得自性是真性以如是業而迴向

如真如相業亦爾如真如性業亦爾如真如性本真實業亦如是同真如

譬如真如無邊際業亦如是無有邊而於其中無縛著是故此業得清淨

疏二有十六偈頌離相迴向於中先九頌對如廣辨

如是聰慧真佛子志願堅固不動搖以其智力善通達入於諸佛方便藏

覺悟法王眞實法於中無著亦無縛如是自在心無礙未曾見有一法起

如來法身所作業一切世間如彼相若諸法相皆無相知如是相是知法

菩薩任是不思議於中思議不可盡入此不可思議處思與非思皆寂滅

如是思惟諸法性了達一切業差別所有我執皆除滅任於功德無能動

菩薩一切業果報悉爲無盡智所印。如是無盡自性盡。是故無盡方便滅。

菩薩觀心不在外。亦復不得在於內。知其心性無所有。我法皆離永寂滅。

疏後七却頌約法直明。菩薩住是不思議等。宜善思之。

彼諸佛子如是知。一切法性常空寂。無有一法能造作。同於諸佛悟無我。

了知一切諸世間。悉與真如性相等。見是不可思議相。是則能知無相法。

若能住是甚深法。常樂修行菩薩行。爲欲利益諸羣生。大誓莊嚴無退轉。

是則超過於世間。不退生死妄分別。了達其心如幻化。勤修衆行度羣生。

菩薩正念觀世間。一切皆從業緣得。爲欲救度修諸行。普攝三界無遺者。

了知衆生種種異。悉是想行所分別。於此觀察悉明了。而不壞於諸法性。

疏三彼諸佛子下六偈頌迴向成益。

智者了知諸佛法。以如是行而迴向。哀愍一切諸衆

生令於實法正思惟。

疏四一偈結迴向意並可知。

信官黃承昊捐資七兩一錢五分二釐刻此  
一卷伏願

大方廣佛華嚴經疏鈔卷二十一

終

大方廣佛華嚴經疏鈔卷二十一

于闐國三藏沙門實又難陀 譯  
清涼山大華嚴寺沙門澄觀撰述

十迴向品第二十五之九

佛子。云何爲菩薩摩訶薩無著無縛解脫迴向。

疏第九無著無縛解脫迴向。長行中亦先明位行。後顯位果。前中亦三。今初牒名徵起。謂理智無依。不爲能所見著相惑所縛。由此卽名解脫。此約行體釋之。故本業云。以諸法無二。般若無生。二諦平等。三世一合相故。又解脫者。亦作用自在。如不

思議等。此約行用。由攝善根。皆用迴向普賢。二業無邊自在德用故。鈔今初等者。約行釋無縛著。引證中諸法無二。所見無著。般若無生。能見無著。二諦平等。通上所結。諸法卽無二。般若卽無生。三世一合相。豎論無著。一合相言。文在三世義通前。三。二者一切法無二。二者般若無知。三者上二契合。

疏於何無縛著耶。謂心等十。以自身有心身口業果。及所作佛事。有世界佛刹衆生法智等故。不爲何等所縛著耶。畧如上說。別有十事五對。一由離凡故。不縛生死。以出小乘。不著二乘。二離六識。取不縛外境。離第七執。不著於內。三離現行縛。無種子著。四不取有縛。不執空著。五無惑障縛。無智障著。皆縛籠著細。若約一事。由著故縛。義如總中惑縛著一義。鈔於何已下。三約解釋解脫之言。具有五義。一生死爲能縛。由離凡故。不縛。言不縛。生死者。不爲生死所縛耳。此卽相不縛。不著二乘。卽所見不著。二境相不縛。能見不著。三現惑不縛。所見不著。種子卽所見故。四有不能縛。所見空不能著。五惑不能縛。見智不著。故雖十事。不出相惑。及

能所見也。

疏此約無礙大用受名。通能所迴向。約脫惑障。無縛無著。卽是解脫。約用解脫。乃無縛著之解脫。若望心等。亦是無縛著之心。卽上體用。並爲其性。

佛子。是菩薩摩訶薩。於一切善根。心生尊重。所謂於出生死。心生尊重。於攝取一切善根。心生尊重。於希求一切善根。心生尊重。於悔諸過業。心生尊重。於隨喜善根。心生尊重。於禮敬諸佛。心生尊重。於合掌恭敬。心生尊重。於頂禮塔廟。心生尊重。於勸佛說法。心生尊重。於如是等種種善根。皆生尊重。隨順忍可。

疏第二廣釋中分三。一明所迴善根。二佛子下。能迴向行。三菩薩摩訶薩如是迴向時。如三世下。明迴向成益。今初先總標尊重。以一毫之善。皆佛因故。無非佛所流故。次所謂下。別顯後。於如是下。總結。並可知。鈔以一毫下。卽生公解法華一毫之善。發跡顯佛。舉手低頭。皆已成佛。言無非佛流。卽涅槃意。乃至外道典籍。亦佛法流。況內法耶。大小等教。皆從如來大悲所流故。

佛子。菩薩摩訶薩。於彼善根。皆生尊重。隨順忍可。時究竟欣樂。堅固信解。自得安住。令他安住。勤修無著。

自在積集。成勝志樂。任如來境界。勢力增長。悉得知見。  
疏第二迴向行中。二先仍前進修。擬將迴向。二以  
諸下正明行願。今初亦二。先總牒前後究竟下。  
別顯修相。文有十句。前五修前。卽釋尊重等言。謂  
一欣樂故尊重。二信解故忍可。三自隨順。四令他  
順。五總顯無著。以該上四。後五進修。一積集勝進。  
二志樂普賢無方德用。三上入佛境。四善根增勢。  
五知見逾明。

以諸善根如是迴向。所謂以無著無縛解脫心。成就  
普賢身業。以無著無縛解脫心。清淨普賢語業。以無  
著無縛解脫心。圓滿普賢意業。以無著無縛解脫心。  
發起普賢廣大精進。

疏第二正明願行中。義有十門。文分爲二。第一廣  
顯其相。二佛子菩薩摩訶薩。以彼善根如是迴向。  
所謂心無縛下。總結多門。前中分二。先明衆生及  
菩提迴向。後佛子菩薩摩訶薩。以無著無縛解脫  
心迴向。不分別下。實際迴向。前明廣大。後顯甚深。  
廣大迴向。有六十一門。甚深之內。有二十門。弁前  
尊重進修。復二十門。總有百一門。顯圓融無盡。深  
廣無礙。爲大迴向。就廣大六十一門。廣顯普賢自

在德用。大分爲二。初之四門總顯。餘皆別明。今初前三成三業。以下諸門不出三業。故後一精進。通策萬行。故於中無著無縛。解脫心。是能迴之心。成就普賢身業。正是所向。他皆倣此。前諸善根。卽是所迴。故以諸善根之言。下流八十門內。此一迴向。不願成佛。願成普賢者。以普賢通於位前。及以位後。得道不捨。因行窮盡。生界利樂。有情。故願成普賢。兼二迴向。下別顯中。一一門內。皆攝法界。自在德用。或理。或行。或智。或境。或自行。或化生。或體。或用。或因。或果。或人。或法。皆各總攝一切法。故不

可相從。鈔願成普賢者。位後普賢是佛。卽向菩提。等覺位前。卽向衆生。

以無著無縛。解脫心。具足普賢無礙音聲。陀羅尼門。其聲廣大。普徧十方。以無著無縛。解脫心。具足普賢見一切佛。陀羅尼門。恒見十方一切諸佛。以無著無縛。解脫心。成就解了一切音聲。陀羅尼門。同一切音說無量法。以無著無縛。解脫心。成就普賢一切劫住。陀羅尼門。普於十方修菩薩行。

疏別科畧分爲二。初二十三門。顯普賢自分究竟。卽位中普賢。後二十四門。顯普賢勝進究竟。卽位

後普賢二分無處。是普賢德。前卽因圓果滿。後卽  
得道不捨因行。故二段中皆舍因果。今初分三。初  
四成普賢總持德。二有十二願成普賢自在力用。  
三有七願願成普賢行。然諸門德多約三業。今  
初總持亦具三業。初一語業總持。二身業見佛。三  
意業解了。後一三業用之時處標名約時辨用就  
處。文互顯耳。

以無著無縛解脫心。成就普賢自在力。於一衆生身  
中。示修一切菩薩行。盡未來劫。常無間斷。如一衆生  
身。一切衆生身。悉亦如是。以無著無縛解脫心。成就

普賢自在力。普入一切衆道場。普現一切諸佛前。修  
菩薩行。以無著無縛解脫心。成就普賢佛自在力。於  
一門中。示現經不可說不可說劫。無有窮盡。令一切  
衆生皆得悟入。以無著無縛解脫心。成就普賢佛自  
在力。於種種門中。示現經不可說不可說劫。無有窮  
盡。令一切衆生皆得悟入。其身普現一切佛前。以無  
著無縛解脫心。成就普賢自在力。念念中。令不可說  
不可說衆生。住十力智。心無疲倦。以無著無縛解脫  
心。成就普賢自在力。於一切衆生身中。現一切佛自  
在神通。令一切衆生。住普賢行。以無著無縛解脫心。

成就普賢自在力。於一切衆生語言中。作一切衆生語言。令一切衆生。一一皆任一切智地。以無著無縛解脫心。成就普賢自在力。於一一衆生身中。普容納一切衆生身。令皆自謂成就佛身。以無著無縛解脫心。成就普賢自在力。能以一華莊嚴一切十方世界。疏第二力用中。復二初九願。一多攝入自在。文有三業。化時處等可知。

以無著無縛解脫心。成就普賢自在力。出大音聲。普徧法界。周聞一切諸佛國土。攝受調伏一切衆生。以無著無縛解脫心。成就普賢自在力。盡未來際。不可說不可說劫。於念念中。悉能徧入一切世界。以佛神力。隨念莊嚴。以無著無縛解脫心。成就普賢自在力。盡未來際所任之劫。常能徧入一切世界。示現成佛。出興於世。

疏後三廣大自在可知。

以無著無縛解脫心。成普賢行。一光普照盡虛空界。一切世界。以無著無縛解脫心。成普賢行。得無量智慧。具一切神通說種種法。以無著無縛解脫心。成普賢行。入於如來盡一切劫。不可測量神通智慧。以無著無縛解脫心。成普賢行。任盡法界諸如來所。以佛

神力。修習一切諸菩薩行。身口意業。曾無懈怠。

疏第三成普賢行中分二。初四願成神通。

以無著無縛解脫心。成普賢行。不違於義。不壞於法。言詞清淨。樂說無盡。教化調伏一切衆生。令其當得一切諸佛。無上菩提。以無著無縛解脫心。修普賢行。入一法門時。放無量光照。不思議一切法門。如一切法門。一切法門皆亦如是。通達無礙。究竟當得一切智地。以無著無縛解脫心。住菩薩行。於法自在。到於普賢莊嚴彼岸。於一一境界。皆以一切智觀察。悟入而一切智。亦不窮盡。

疏二有三願。願成四辨。初一總具四辨。次二別顯法義。初法後義。卽顯果滿究竟。

以無著無縛解脫心。始從此生。盡未來際。住普賢行。常不休息。得一切智。悟不可說不可說真實法。於法究竟。無有迷惑。以無著無縛解脫心。修普賢業。方便自在。得法光明。於諸菩薩所行之行。照了無礙。以無著無縛解脫心。修普賢行。得一切方便智。知一切方便。所謂無量方便。不思議方便。菩薩方便。一切智方便。一切菩薩調伏方便。轉無量法輪方便。不可說時方便。說種種法方便。無邊際無畏。藏方便。說一切法

無餘方便。

疏第二始從此生下。明勝進究竟。而言因者。乃果中之因。於中分三。初有九門。攝法廣大自在德。次有十五門。相卽相入重重德。後有十門。明微細容持甚深德。初中分六。初三願成智。前一實智。後二方便智。初是照行方便。後一照方便之方便。

以無著無縛解脫心。任普賢行。成就身業。令一切衆生。見者歡喜。不生誹謗。發菩提心。永不退轉。究竟清淨。以無著無縛解脫心。修普賢行。得了一切衆生語言清淨智。一切言詞。具足莊嚴。普應衆生。皆令歡喜。

疏二有二願。成利益不空三業。

以無著無縛解脫心。任普賢行。立殊勝志。具清淨心得廣大神通。廣大智慧。普詣一切廣大世間。廣大國土。廣大衆生。所說一切如來不可說廣大法。廣大莊嚴圓滿藏。

疏三有一願。廣大三業。廣大衆生者。具大心故。

以無著無縛解脫心。成滿普賢迴向行願。得一切佛清淨身。清淨心。清淨解。攝佛功德。任佛境界。智印普照。示現菩薩清淨之業。善入一切差別句義。示諸佛菩薩廣大自在。爲一切衆生現成正覺。

疏四一願成清淨三業。

以無著無縛解脫心。勤修普賢諸根行願。得聰利根。調順根。一切法自在根。無盡根。勤修一切善根根。一切佛境界平等根。受一切菩薩不退轉記大精進根。了知一切佛法金剛界根。一切如來智慧光照金剛。談根。分別一切諸根自在根。安立無量衆生於一切智根。無邊廣大根。一切圓滿根。清淨無礙根。

疏五一願諸根三業。別有十四根。皆以勝用增上。光顯義故。立以根名。初聰利等三根。約眼等六。兼五受根。聰利者。領覽敏捷故。調順者。內無剛強故。

自在者。外境不牽故。餘約信等五根。初一信根。信心無盡故。亦兼命根。次一進。次一念。唯念佛平等。故。次一定。及精進。以不退轉是定義故。餘七皆慧。鈔別有十四根者。按經文數有十四義。合二十二根。如俱舍第十一明。皆以勝用者。彼論解根有二義。此依薩婆多宗。故彼論云。最勝自在光顯名根。由此總成根增上義。解云。根體勝故。爲最勝根。用勝故。名爲自在。體用雙彰。名爲光顯。由有最勝自在光顯。名爲增上。將增上義。以釋根也。論云。此增上義。誰望於誰。釋曰。謂二十二根。望誰增上。願

撰述  
華嚴疏鈔卷二十一  
十  
曰傳說五於四。四根於二種。五八染淨中各別爲  
增上。釋曰傳說五於四者。眼等五根於其四事能  
爲增上。一莊嚴身。二導養身。三生識等。四不共事  
釋曰。初盲聾等。非莊嚴故。二眼見耳聞避險難故。  
香味觸。二是段食性。能受用故。三生識等。等取心  
所。四不共事。眼唯見等。言四根於二種者。謂男女  
命意。名爲四根。各於二種。而得增上。男女於二得  
增上者。一有情異。謂男女類別。二分別異。謂形相  
言音乳房等別。命根二者。一能續過去衆同分。二  
能持現在衆同分。意根二者。一能續後有。二自在

隨行。謂經云。心能導世間。卽自在義。心能徧攝受  
卽隨行義。如是一心法。皆自在隨行。言五八染淨  
中者。五謂樂等五受。八謂信等五根。三無漏根。謂  
五受順三毒染。信等八根。順清淨法。隨生長故。論  
次敘異說云。了自境增上。總立於六根。謂發識了  
境根各增上。從身立二根。女男性增上。同前分別

於同住雜染清淨增上故。應知命五受。信等立爲  
根。釋曰。謂下二句。由上二句。得增上義故。立以根  
名。謂命根於同分住。得增上等。五受於染法得增  
上。信等於煖頂位中。伏諸煩惱。引聖道故。大同前

解頌云。未知當知根。具知根亦爾。於得後後道。涅槃等增上釋曰。言亦爾者。類顯一一各能為根。未知根是見道。已知根是修道。具知根是無學道。未知於已知根。道有增上用。見道引修道。故已知於具知道有增上用。引無學故。具知於涅槃。有增上用。由具知根。心得解脫。心若解脫。方證涅槃。故已知是未知之後。具知是已知之後。故言後後更有異說。未知已知。各於自道斷惑增上。具知於現法樂住得增上。已知根義。正義所立。二十二根。經中畧無男女二根。餘皆具有。兼五受根者。頌云。身不

悅名苦。

損惱義故。

卽此悅名樂。

攝養義故。

及三定

心悅。

謂第三禪。五識無故。無有身樂。心悅名樂。餘

處悅名喜。

餘處謂初二禪。及欲界處。心悅名喜。心

不悅名憂。中捨二無別。

中謂非苦非樂。此處中故名為捨根。捨在身心同無分別。任運而生。故雖通

二身心。二捨同一捨根耳。

見修無學道。依九立三

根者。釋曰。九謂意喜樂捨信等五根。若在見道。依此九立。未知當知根。修道及無學。亦依九立。已知。具知。論云。如是二名。因何而立。謂在見道。有未曾知。當知行轉。故說彼名未知當知根。解云。卽見道

撰述  
華嚴疏鈔卷二十一  
十五心。八忍七智。如苦法忍。與疑得俱。未知苦諦。名未曾知。後至智位。必當知故。名爲未知當知根。如苦忍既爾。諸餘七忍亦然。故忍總名未知當知。中間七智。雖能正知。良由知諦未徧。中間起故。亦名未知當知。故說彼在見道行者。名未知當知。又論云。若在修道。無未知當知。但爲斷除餘隨眠故。卽於彼境復數數知。是故說彼。名爲已知。釋曰。從道類智已去。乃至金剛喻定。皆名修道。若在修道。上下八諦。總故知竟。無未曾知。但爲斷除迷事煩惱。貪瞋癡慢。四隨眠故。於四諦境。復數起智知。名

爲已知。又論云。在無學道。知已已知。故名爲知。此

釋知也。謂盡智無生智作知已已知之解。故名爲知。

知。有此知者。名爲具知。此釋具義。有此者成就義也。約成釋具也。

第二解約習釋具也。或習此知。已成性者。名爲具知。此

謂得盡智無生智故。如實自

知。我徧知苦。不復更知。乃至廣說。釋曰。卽以盡無

生智。爲具知根體。四諦之上。各有盡無生義。故云

乃至論彼所有根。名未知當知根等者。此釋名。謂

彼未知等。行者身中。所有此根。故名未知根等也。

餘如俱舍根品廣明。信等五根。前疏已釋。命根之

義問明品說以不退轉者以精進言經文自有定  
但有義故以不退當之進謂進趣定謂不動故  
疏金剛界根者義兼定慧金剛三昧卽是定故金  
剛正智卽是慧故界卽是性智了心性名上定故  
亦卽未知當知根現觀位中得不壞故鈔金剛  
界根者釋此一根疏文有二一正釋二旁通今初  
有四一雙標定慧二金剛三昧下示定三金剛正  
智下示慧四界卽是性釋於界言通定慧義智了  
心性者智了卽慧契性不動是定然此根體通智  
通心二俱名根故第六迴向施心中云願一切衆

生得萬字相莊嚴金剛界心心體性堅卽金剛心  
智符心王同不可壞心智俱能壞惑壞惑亦卽利  
義受金剛名今觀心性義舍王所亦卽未知者二  
旁通也金剛定慧卽等妙覺今欲具三無漏根故  
以此當未知根未知根正在見道何有金剛之義  
故言現觀位中得不壞故現觀卽見道諦現觀也  
現觀之義十地廣釋

疏金剛談者焰通事理及能所故卽已知根已成  
智故離世間品云如金剛根證知一切諸法性故  
卽此界根又云金剛光談根普照一切佛境界故

佛境有二。一。所觀境。通於事理。二。分齊境。卽能觀智。亦得稱境。鈔金剛談下文中有二。一。正釋。金剛發談。金剛如燈。發談如教。故雙了事理。言及能所者。照境爲所。亦兼照於能觀智也。卽已知根者。通照事理。如修道中故。二。離世間下引證。雙證前二根。初證界根。知法性故。二。又云。金剛光談根。卽證前談根。雙照之義。先舉經。後佛境有二。下。釋同一所知中。已通事理。二。分齊境。有能觀智故。前釋二云。談通事理。及能所故。後二具知根。三。無漏根具矣。然心名根。清淨心王。於無分別智。有所依增上。

義故。二智名根。卽於後後道。涅槃得增上故。如前論釋。大小乘說。六八等殊。三得成根。義類相似。故得引於俱舍文證。人常了故。

疏次三調化。後二果圓惑淨。卽具知根也。

以無著無縛解脫心。修普賢行。得一切菩薩神力。所謂無量廣大。力。神力。無量自在。智。神力。不動其身。普現一切佛刹。神力。無礙不斷自在。神力。普攝一切佛刹。置於一處。神力。一身徧滿一切佛刹。神力。無礙解脫遊戲。神力。無所作一念自在。神力。住無性無依神力。一毛孔中。次第安立不可說世界徧遊法界諸佛。

撰述  
道場示諸衆生皆令得入大智慧門神力。

疏六一願神力三業文雖闕語義亦兼具。

以無著無縛解脫心入普賢門。生菩薩行。以自在智於一念頃普入無量諸佛國土。一身容受無量佛刹。獲能嚴淨佛國土智。恒以智慧觀見無邊諸佛國土。永不發起二乘之心。以無著無縛解脫心修普賢方便行。入智慧境界。生如來家。任菩薩道。具足不可說不可說無量不思議殊勝心。行無量願。未曾休息。了知三世一切法界。以無著無縛解脫心成就普賢清淨法門。於一毛端量處悉包容盡虛空徧法界不可說不可說一切國土。皆使明見。如一毛端量處徧法界虛空界。一一毛端量處悉亦如是。

疏第二卽入重重德中分六。初三入普賢門。一

行門。二智門。三法門。

以無著無縛解脫心成就普賢深心方便。於一念心中現一衆生不可說不可說劫念心。如是乃至現一切衆生爾許劫念心。以無著無縛解脫心入普賢廻向行方便地。於一身中悉能包納盡法界不可說不可說身。而衆生界無所增減。如一身乃至周徧法界一切身悉亦如是。以無著無縛解脫心成就普賢大

撰述  
華嚴疏鈔卷三十一  
願方便捨離一切想。倒心倒見。倒普入一切諸佛境界。常見諸佛。虛空界等清淨法身。相好莊嚴。神力自在。常以妙音開示演說。無礙無斷。令其聞者如說受持。於如來身了無所得。

疏二有三願。成普賢方便。一深心方便。以契理深心故。於一心能現多心。二廻向方便。一身悉包一切。但向一身。已向一切。故云方便。三大願方便。以無得心入佛境界故。

以無著無縛解脫心。修普賢行。任菩薩地。於一念中。入一切世界。所謂入仰世界。覆世界。不可說不可說十方網一切處廣大世界。以因陀羅網分別方便。普分別一切法界。以種種世界。入一世界。以不可說不可說無量世界。入一世界。以一切法界所安立無量世界。入一世界。以一切虛空界所安立無量世界。入一世界。而亦不壞安立之相。悉令明見。

疏三有二願。入普賢位。初一始入於地。故能入刹無礙。

以無著無縛解脫心。修習普賢菩薩行願。得佛灌頂。於一念中。入方便地。成滿安住。衆行智寶。悉能了知一切諸想。所謂衆生想。法想。刹想。方想。佛想。世想。業

楞述  
菩薩疏鈔卷三十一  
想行想界想解想根想時想持想煩惱想清淨想成  
熟想見佛想轉法輪想聞法解了想調伏想無量想  
出離想種種地想無量地想菩薩了知想菩薩修習  
想菩薩三昧想菩薩三昧起想菩薩成想菩薩壞想  
菩薩殿想菩薩生想菩薩解脫想菩薩自在想菩薩  
住持想菩薩境界想劫成壞想明想暗想晝想夜想  
半月一月一時一歲變異想去想來想任想坐想睡  
想覺想如是等想於一念中悉能了知而離一切想  
無所分別斷一切障無所執著一切佛智充滿其心  
一切佛法長其善根與諸如來等同一身一切諸佛

之所攝取離垢清淨一切佛法皆隨修學到於彼岸  
疏後一終成故得灌頂成智於中三初標能所知  
次所謂下列所知想有五十二其業行界解根等  
皆十力智所知如初會釋餘亦攝在其內持謂執  
持善惡地謂斷證分齊菩薩成者解行正命菩薩  
壞者戒見耶命餘皆可知鈔其業行界下疏以  
十力攝五十二於文有二先知衆生後知菩薩前  
中有十七想衆生是總十力皆是化生事故餘卽  
明十力所知初有五想皆處非處於佛法等相應  
爲處不相應者名非處故二業力三行卽禪定行

四界力。五解力。六根力。七時。卽宿住。八持。卽徧趣行。徧持善惡。至諸趣故。九煩惱。下三想。卽漏盡力。十見佛想。卽天眼智力。想取其相。皆了知故。從法輪想。下知菩薩亦不出十力所知。恐繁不配。疏後如是等想下。結能知德。謂離四過失。具五功德。鈔謂離四過等者。從一切佛智下。卽具五功德。

以無著無縛解脫心。爲一切衆生。修普賢行。生大智寶。於一心中。知無量心。隨其依止。隨其分別。隨其種性。隨其所作。隨其業用。隨其相狀。隨其思覺。種種不同。靡不明見。以無著無縛解脫心。成就普賢大願智寶。於一處中。知於無量不可說處。如於一處。於一切處。悉亦如是。以無著無縛解脫心。修習普賢行業智地。於一業中。能知無量不可說不可說業。其業各以種種緣造。明了知見。如於一業。於一切業。悉亦如是。以無著無縛解脫心。修習普賢知諸法智。於一法中。知不可說不可說法。於一切法中。而知一法。如是諸法。各各差別。無有障礙。無違無著。

疏四有四願。成普賢智。一成行智。無機不知。以化衆生爲其行故。二大願智。無處不知。願徧化故。三

撰述  
華嚴疏鈔卷三十一  
窮業智。了因緣故。四知法智。知化法故。

以無著無縛解脫心。任菩薩行。得具普賢無礙耳根。於一言音中。知不可說不可說言音。無量無邊種種差別。而無所著。如於一言音。於一切言音。悉亦如是。以無著無縛解脫心。修普賢智。起普賢行。任普賢地。於一一法中。演說不可說不可說法。其法廣大。種種差別。教化攝受。不可思議。方便相應。於無量時。於一切時。隨諸衆生。所有欲解。隨根隨時。以佛音聲。而爲說法。以一妙音。令不可說道場衆會。無量衆生。皆悉歡喜。一切如來所。無量菩薩。充滿法界。立殊勝志。生

廣大見。究竟了知一切諸行。任普賢地。隨所說法。於念念中。悉能證入。一剎那頃。增長無量。不可說不可說大智慧聚。盡未來劫。如是演說。於一切剎。修習廣大虛空等行。成就圓滿。

疏五有二願。願成普賢聽說。初耳無不聽。次舌無不演。

以無著無縛解脫心。修習普賢諸根行門。成大行王。於一一根中。悉能了知無量諸根。無量心樂。不思議境界。所生妙行。

疏六有一願。成知根德。一攝一切。於中言大行王。

者以徧知根於化行自在故。一根知一切根者。有二義。一約理融。二約事別。謂如一人有多乘根性。一一乘中有無量品。如聲聞中有信行法行等。此二通有退思護任等上中下根。隨於一品。復有信等種種善根之異。鈔如聲聞等。此二通有退思護任者。俱舍二十五云。阿羅漢有六。謂退至不動前五信解生。總名時解脫。後不時解脫。從前見至生。釋曰。契經說有六阿羅漢。一者退法。謂遇少緣便退所得。二者思法。謂懼退失。恒思自害。二者護法。謂於所得喜自防護。四安任法。無勝退緣。雖不

自護亦能不退。無勝加行。亦不增進。五堪達法。謂性堪能好修練根。速達不動。六不動法。不爲煩惱所退動故。前五種性。從無學位信解性生。此五總名時解脫也。以要待時。方能入定及心解脫。言待時者。此有六種。一得好衣。二得好食。三得好卧具。四得好處。五得好說法師。六得好同學。後不動性。名不時解脫。謂是利根。以不待時。便能入定及心解脫。故從無學位見至性生。釋曰。論云。從無學位信解生等者。二十三論云。第十六心。隨三向在果。名信解見至。亦由鈍利別。釋曰。隨三向在果者。隨

二向人。至在三果。隨鈍利根。得名不同。若鈍根人。名爲信解。若利根者。名爲見至。前隨信行。今名勝解。謂由信故。勝解相顯。名爲信解。前隨法行。今名見至。謂由向見得。至果見。故名見至。此二聖者。信慧互增。故標信解。見至名別。言謂由向見得。至果見者。以法行人。見理情多。故次前論云。且依見道十五心位。建立衆聖有差別者。頌曰。各隨信法行。由根鈍利別。具修惑斷一。至五向初果。斷次三向。二離八地向三。釋曰。初二句。明見道位中有二聖者。謂根鈍者。名隨信行。彼於先時。隨信他言而行。

義故。若利根者。名隨法行。彼於先時。由自披閱契經等法。隨行義故。此上二句。下疏更釋。此中相承。故具出之。下四句。卽前二聖。於見道位爲二向。釋曰。梵行品已引。取意不同。今復引之。謂於先時。未以世道斷欲修惑。各具修惑。此爲一人。或有漏道。斷於一品。至於五品。卽爲五人。兼前六人。至見道中。名初果向。趣預流果故。若斷六七八品。名爲次三。此有三人。至見道中。名向第二果也。言離八地向三者。謂斷欲界第九品爲一人。次四禪。三空。爲七地。名九品。七九六十三。兼前欲界一品。故有八

撰述  
聖嚴疏鈔卷二十一  
地爲六十四人。至見道中。名第三果向。故上總有七十三人。皆在見道。故見道中。名爲信行法行。至第十六心去。修道位中。三果聖人。名信解見至。至羅漢位。各時解脫。不時解脫。故如聲聞中。有信行法行等。此二通有退思護任等者。信行至羅漢。有前五見至。至羅漢爲不動等。卽等取堪達不動。就前五中。有上中下。據法華中。則不動羅漢。亦有上中下二根。聲聞悟不同故。五百千二百。亦稱下故。況前見道之內。有各種人。亦是上中下也。言隨於一品。後有信等者。如一下根。亦具五根。而於五中。

互有勝劣。有人定增。有慧增等。故其根品多不同也。今菩薩理觀深玄。於一根中能都照耳。以無著無縛解脫心。任普賢行大迴向心。

疏第三得色甚微細。下十門。明願得普賢微細知法。以所知之事幽微。故能知之智微細。微細有二。一準無性攝論。以難知故。二就經宗。於一法中有一切法炳然齊現故。如文云。衆生業報微細等。卽約初義。如在母胎等。通於二義。十門卽爲十段。第一明世間法微細。瑜伽云。色微細性有三。一損減微細性。卽析至極微。二種類微細性。謂如風等色。

中有色三心自在轉微細性卽色無色界色如經說有天任一毛端量地處展轉無礙此三卽難知微細也餘之難知類此各有異義文中分三初標德所依鈔一準無性者卽第一論釋阿陀那識甚微細言論意云深揀世智細揀聲聞故論釋甚深云諸聲聞對難了知是故不爲聲聞等開示此識彼不求微細一切智故釋曰本論雖但云細釋有微細之言辦公亦云此等並難知故衍法師云所知之事幽微故能知之智微細亦難知義也得色甚微細智身甚微細智利甚微細智劫甚微細

智世甚微細智方甚微細智時甚微細智數甚微細智業報甚微細智清淨甚微細智

疏次得色下列所得法

如是等一切甚微細於一念中悉能了知而心不恐怖心不迷惑不亂不散不濁不劣其心一緣心善寂定心善分別心善安住

疏後如是等下結能知之德不怖甚深不迷理事亂謂錯謬散謂不專濁謂垢染劣無堪任今皆反此上明離過下顯成德一緣謂專注一境故不散善寂謂心境兩亡故不亂卽定而知名善分別故

撰述  
華嚴疏鈔卷三十一  
不迷卽照而止名善住。故不怖。此能知之德。以在初門。義通下九。皆應爾知。鈔一緣謂專注者。釋曰。此下成德。翻上諸過。而小不次。一緣成上不散。以善寂成上不亂。以善分別成上不迷。以善住成上不怯怖。

以無著無縛解脫心。住菩薩智。修普賢行。無有懈怠。能知一切衆生。起甚微細。衆生。死甚微細。衆生。生甚微細。衆生。住甚微細。衆生。處甚微細。衆生。品類甚微細。衆生。境界甚微細。衆生。行甚微細。衆生。取甚微細。衆生。攀緣甚微細。如是等一切甚微細。於一念中。悉

能了知。

疏第二知衆生起微細智。住謂住壽。餘並可知。以無著無縛解脫心。立深志樂。修普賢行。能知一切菩薩。從初發心。爲一切衆生。修菩薩行。甚微細。菩薩。住處甚微細。菩薩。神通甚微細。菩薩。遊行無量佛刹。甚微細。菩薩。法光明甚微細。菩薩。清淨眼甚微細。菩薩。成就殊勝心甚微細。菩薩。往詣一切如來道場。衆會甚微細。菩薩。陀羅尼門智甚微細。菩薩。無量無畏。地一切辨才。藏演說甚微細。菩薩。無量三昧相甚微細。菩薩。見一切佛三昧智甚微細。菩薩。甚深三昧智。

法華  
華嚴疏鈔卷三十一  
疏

甚微細。菩薩大莊嚴三昧智甚微細。菩薩法界三昧智甚微細。菩薩大自在神通三昧智甚微細。菩薩盡未來際廣大行。任持三昧智甚微細。菩薩出生無量差別三昧智甚微細。菩薩出生一切諸佛前勤修供養。恒不捨離三昧智甚微細。菩薩修行一切甚深廣博無障無礙三昧智甚微細。菩薩究竟一切智地。任持行智地。大神通地。決定義地。離翳三昧智甚微細。如是等一切甚微細。悉能了知。

疏第三知菩薩行德微細智。列所得中有二十句。前十別類。後十同明三昧。

以無著無縛解脫心修普賢行。

疏第四知菩薩位德大用智。於中三。初標所修。悉知一切菩薩安立智甚微細。菩薩地甚微細。菩薩無量行甚微細。菩薩出生廻向甚微細。菩薩得一切佛藏甚微細。菩薩觀察智甚微細。菩薩神通願力甚微細。菩薩演說三昧甚微細。菩薩自在方便甚微細。菩薩印甚微細。菩薩一生補處甚微細。

疏次悉知下。列所得有四十一種。初十一事。位行成滿。

菩薩生兜率天甚微細。菩薩住止天宮甚微細。菩薩

撰述  
聖嚴禪師金卷三十一  
嚴淨佛國甚微細。菩薩觀察人中甚微細。菩薩放大光明甚微細。菩薩種族殊勝甚微細。菩薩道場衆會甚微細。菩薩徧一切世界受生甚微細。菩薩於一身示現一切身命終甚微細。菩薩入母胎甚微細。菩薩在母胎中自在示現一切法界道場衆會甚微細。菩薩在母胎中示現一切佛神力甚微細。菩薩示現誕生事甚微細。菩薩師子遊行七步智甚微細。菩薩示處王宮巧方便智甚微細。菩薩出家修調伏行甚微細。菩薩菩提樹下坐道場甚微細。菩薩破魔軍衆成阿耨多羅三藐三菩提甚微細。

如來坐菩提座放大光明照十方界甚微細。如來示現無量神變甚微細。如來師子吼大涅槃甚微細。如來調伏一切衆生而無所礙甚微細。如來不思議自在力如金剛菩提心甚微細。如來普護念一切世間境界甚微細。如來普於一切世界施作佛事盡未來劫而無休息甚微細。如來無礙神力周徧法界甚微細。如來於盡虛空界一切世界普現成佛調伏衆生甚微細。如來於一佛身現無量佛身甚微細。如來於去來今三世中皆處道場自在智甚微細。

疏後生兜率下三十事。明位滿大用。現八相等。其

中有菩薩佛名因果之異。皆是用中之事耳。其微細之事。離世間品及不思議法品廣明。

如是等一切微細。悉能了知。成就清淨。普能示現。一切世間。於念念中。增長智慧。圓滿不退。善巧方便。修菩薩行。無有休息。成就普賢迴向之地。具足一切如來功德。永不厭捨。菩薩所行。出生菩薩現前境界。無量方便。皆悉清淨。普欲安隱一切衆生。修菩薩行。成就菩薩大威德地。得諸菩薩心之樂欲。獲金剛幢迴向之門。出生法界諸功德。常爲諸佛之所護念。入諸菩薩深妙法門。演說一切真實之義。於法善巧。無

所違失。起大誓願。不捨衆生。於一念中。盡知一切心非心地。境界之藏。於非心處。示生於心。遠離語言。安任智慧。同諸菩薩所行之行。以自在力。示成佛道。盡未來際。無有休息。一切世間。衆生劫數。妄想言說之所建立。神通願力。悉能示現。

疏三如是下。結能知德。謂成普賢自在行德。德亦名益。此德通從諸智而生。亦可別配。恐厭繁文。於中云心非心等者。以識緣境。名爲心地。以智了境。名非心地。識所了境。通於善惡。善唯有漏。智所了境。唯無漏善。漏無漏境。心能舍之。心卽名藏。故晉

經云。究竟了知思議不思議地。諸功德藏。言於非  
心處。示生於心者。卽非心量之心量也。由此故能  
離言語道。安住智等。故晉經云。於不思議出生思  
議。示諸法門。離言語道。上經云。菩薩住是不思議  
於中思議不可盡。入此不可思議處。思與非思俱  
寂滅。卽斯義也。以心與非心。生滅眞如。非卽離故  
不爲此釋。令人誤解。謂使無情有。心。設令無情有  
心。旣云示生於理無失。餘文可知。鈔識所了境  
者。無分別是智。有分別是識。故晉經下。證成上義  
思議是心地。不思議非地也。此中心地。不同心地

法門。於非心下。於中有二。初正釋。二揀濫。言卽非  
心量之心量者。此有二義。若楞伽云。非心爲心量。  
我說爲心量者。此拂迹入玄。謂以非心量爲遣心  
量。若以非心量爲是。斯卽心量。二者不同上意。謂  
非心量。卽不思議之心量者。不礙心量。故引第八  
廻向證之。住不思議。卽非心量。思議不可盡。卽之  
心量。以二相卽奪。故有下半俱寂滅也。以心與非  
心下。引義證成。不爲此釋下。第二揀濫。人多誤解。  
情作非情。非情作情。故下又縱云。設言於非心處  
示生於心。是非情爲情者。旣言示生。非眞無情爲

有情矣。

以無著無縛解脫心。修普賢行。

疏第五知衆生界智。其第二知衆生趣。卽十力中自業智境。此知生界卽是性異十力之中種種界智境。故晉經云。入衆生性微細也。文中亦三。初標得所依。

得一切衆生界甚微細智。所謂衆生界分別甚微細智。衆生界言說甚微細智。衆生界執著甚微細智。衆生界異類甚微細智。衆生界同類甚微細智。衆生界無量趣甚微細智。衆生界不思議種種分別所作甚

微細智。衆生界無量雜染甚微細智。衆生界無量清淨甚微細智。

疏次得一切下列所得智。於中十句。初總。所謂下別。別言衆生界分別等者。亦可言衆生分別界等。一。分別者。自性强思。起邪見等。二。言說界者。依邪師教。名言熏習等。三。謂戒見等。四五可知。六。欲求趣天。有求趣靜慮。邪梵行。求趣無色。無想。各謂爲涅槃故。七。謂諸行界。諸求衆生行各異。故隨一。邪求。有裸形等種種殊故。八。多貪瞋等雜染異故。九。聞一乘三乘無量乘等。皆清淨故。又染淨二句。通

撰述  
華嚴疏鈔卷三十一  
三  
前七句謂有染分別淨分別等。又通有四義。故甚深微細。一顛倒卽空故。二理有真實故。三緣成離念故。四相入無礙故。

如是等一切衆生境界甚微細。於一念中能以智慧。皆如實知。廣攝衆生。而爲說法。開示種種清淨法門。令修菩薩廣大智慧。化身無量。見者歡喜。以智日光。照菩薩心。令其開悟。智慧自在。

疏三如是下。結能知德業。初結德。後廣攝下。明作業。亦有通別。思以配之。

以無著無縛解脫心。爲一切衆生。於一切世界。修普

賢行。得盡虛空界法界一切世界甚微細智。

疏第六知世界智文三。初總標。

所謂小世界甚微細智。大世界甚微細智。雜染世界甚微細智。清淨世界甚微細智。無比世界甚微細智。種種世界甚微細智。廣世界甚微細智。狹世界甚微細智。無礙莊嚴世界甚微細智。徧一切世界佛出現甚微細智。徧一切世界說正法甚微細智。徧一切世界普現身甚微細智。徧一切世界放大光明甚微細智。盡一切世界示現諸佛自在神通甚微細智。盡一切世界以一音聲示一切音甚微細智。入一切世界

釋述  
華嚴疏鈔卷之二十一  
一切佛利道場衆會甚微細智。以一切法界佛利作  
一佛利甚微細智。以一佛利作一切法界佛利甚微  
細智。知一切世界如夢甚微細智。知一切世界如像  
甚微細智。知一切世界如幻甚微細智。

疏次所謂下別顯。有二十一智。初九直語器界。次  
九明其受用。其一多相作。亦是菩薩受用。後三正  
知無取著故。

如是了知。出生一切菩薩之道。入普賢行。智慧神通。  
具普賢觀。修菩薩行。常無休息。得一切佛自在神變。  
具無礙身。住無依智。於諸善法。無所取著。心之所行。  
悉無所得。於一切處。起遠離想。於菩薩行。起淨修想。  
於一切智。無取著想。以諸三昧。而自莊嚴。智慧隨順。  
一切法界。

疏三如是下顯能知德。於中亦有通別。別可思之。  
以無著無縛解脫心。入普賢菩薩行門。

疏第七知法界智。此顯卽理之事法界。故云一切  
法界。卽事之理。復云不生等。亦初標所修。

得無量法界甚微細智。演說一切法界甚微細智。入  
廣大法界甚微細智。分別不思議法界甚微細智。分  
別一切法界甚微細智。一念徧一切法界甚微細智。

撰述 華嚴頂鈔卷三十一  
普入一切法界甚微細智。知一切法界無所得甚微細智。觀一切法界無所礙甚微細智。知一切法界無有生甚微細智。於一切法界現神變甚微細智。

疏次得無量下。辨所得。初句總。餘十別。

如是等一切法界甚微細。以廣大智。皆如實知。於法自在。示普賢行。令諸衆生。皆悉滿足。不捨於義。不著於法。出生平等無礙之智。知無礙本。不任一切法。不壞諸法性。如實無染。猶若虛空。隨順世間起。於言說。開真實義。示寂滅性。於一切境。無依無任。無有分別。明見法界廣大安立。了諸世間及一切法。平等無二。

離一切著。

疏後如是下。結能知之德。唯就通說。於中初標。二利滿足。後不捨下。釋成滿義。普賢行滿。不出二種。一證道。二化道。初離二邊。顯證道滿。不捨於義。此離空邊。不著於法。此離有邊。故得平等無礙之智。言知無礙本。卽是所證。次不住下。雙照二諦。明化道滿。可知。

以無著無縛解脫心。修普賢行。生諸劫甚微細智。

疏第八知入劫智。初標。

所謂以不可說劫爲一念甚微細智。以一念爲不可

說劫甚微細智。以阿僧祇劫入一劫甚微細智。以一劫入阿僧祇劫甚微細智。以長劫入短劫甚微細智。以短劫入長劫甚微細智。入有佛劫無佛劫甚微細智。知一切劫數甚微細智。知一切劫非劫甚微細智。一念中見三世一切劫甚微細智。

疏次所謂下列。

如是等一切諸劫甚微細。以如來智於一念中皆如實知得諸菩薩圓滿行王心。入普賢行心。離一切分別異道戲論心。發大願無懈怠心。普見無量世界網無量諸佛充滿心。於諸佛善根。諸菩薩行。能聞持心。

於安慰一切衆生廣大行。聞已不忘心。能於一切劫現佛出世心。於一一世界盡未來際行不動行無休息心。於一切世界中。以如來身業充滿菩薩身心。

疏後如是等下。結能知德。亦是益相。先結後益。可知。

以無著無縛解脫心。修普賢行。成不退轉。得一切法甚微細智。

疏第九知法智初標。

所謂甚深法甚微細智。廣大法甚微細智。種種法甚微細智。莊嚴法甚微細智。一切法無有量甚微細智。

一切法入一法甚微細智。一法入一切法甚微細智。一切法入非法甚微細智。無法中安立一切法而不相違甚微細智。入一切佛法方便無有餘甚微細智。疏次所謂下列。文有十句。義有四重。一法體具德。二一切入一等。明法用卽入。三入非法等。明理事相卽。亦有無相卽。以非法有三義。一非善法故。二非卽是無。如兔角等。三非卽是理。今是後二次云。無法。亦卽非法。晉本名非。今譯以非通二義。故互明之。依第二義。則法本自無。因緣生諸。故云安立。若依第三。則從無住本立一切法。故不相違。四入

方便無餘。是體用善巧。鈔今譯等者。一非法是不善。二是無法。今言無法。則非不善。但有無義。無義自有二意。依第二義者。是上非卽無物。則法本自無。因緣生諸者。全是仁王下卷注然有二義。一本來自空。從緣生故。則同第三義。若準唯識等。從無至有。曰生。自有還無。稱滅。則法本從無。因緣生諸。今依第二義異。第三亦復彼經。須彌巨海俱爲。灰颺。二義尚頑。國有何常。生必滅。義若依第三者。無住卽實相異名。

如是等一切世界。一切言說所安立法。諸微細智。與

彼同等。其智無礙。皆如實知。得人無邊法界心。於一  
一法界。深心堅任。成無礙行。以一切智。充滿諸根。入  
諸佛智。正念方便。成就諸佛廣大功德。徧滿法界。普  
入一切諸如來身。現諸菩薩所有身業。隨順一切世  
界言詞。演說於法。得一切佛神力所加。智慧意業。出  
生無量善巧方便。分別諸法。薩婆若智。

疏後如是下。結德可知。

以無著無縛解脫心。修普賢行。出生一切甚微細智。  
疏第十得總知一切盡無餘微細智。故晉經十句。  
皆有無餘之言。文中分四。初總標。

所謂知一切利甚微細智。知一切衆生甚微細智。知  
一切法果報甚微細智。知一切衆生心甚微細智。知  
一切說法時甚微細智。知一切法界甚微細智。知一  
切盡虛空界二世甚微細智。知一切語言道甚微細  
智。知一切世間行甚微細智。知一切出世行甚微細  
智。

疏二所謂下別列。卽牒前十門。名或小變。次或不  
等。會意皆同。鈔名或小異者。今當會之一。刹卽  
第六世界。二衆生卽第二衆生趣。二一切法果報  
卽第九法。四衆生心。卽第五衆生界。五一切說法

時卽第八入劫。六法界卽第七法界。七盡虛空界一切三世亦屬第八入劫。八語言道卽第四菩薩位德。位但假名故。九世間行卽第一世間法。十出世間行卽第二菩薩行德甚微細。十句結於九門。故一重明而劫卽長時。二世卽短時耳。

乃至知一切如來道。一切菩薩道。一切衆生道。甚微細智。修菩薩行。任普賢道。若文若義皆如實知。

疏三乃至下。結所不說。

生如影智。生如夢智。生如幻智。生如響智。生如化智。生如空智。生寂滅智。生一切法界智。生無所依智。生

一切佛法智。

疏四生如影下。顯知之德。亦有通別。通從前生。別則次第對前十句。一外利是心之影像故。今能知利。則知影像。二衆生想現。故云如夢。三者果報緣生。故如幻。四心性寂然。緣感成異。故云如響。五說時如化。六卽空界。七言語本寂。八卽法界。九世間無依。十出世間行。卽是佛法。

佛子。菩薩摩訶薩。以無著無縛解脫心。迴向。不分別。若世間若世間法。不分別。若菩提若菩薩埵。不分別。若菩薩行。若出離道。不分別。若佛若一切佛法。不

分別若調伏衆生若不調伏衆生不分別若善根若迴向不分別若自若他不分別若施物若受施者不分別若菩薩行若等正覺不分別若法若智。

疏第二迴向實際文有十對初假實對二卽人法求菩提故名菩提薩埵三卽體用亦名能所梁攝論云於分別依他起性不見所行行及能行道卽此義也謂證智能行則出離故第九因果等正覺者約人契法異前菩提三中雖有菩薩行意取所行此約爲因故不重也十法卽教法教智相對餘並可知。

佛子菩薩摩訶薩以彼善根如是迴向所謂心無著無縛解脫身無著無縛解脫口無著無縛解脫業無著無縛解脫報無著無縛解脫世間無著無縛解脫佛刹無著無縛解脫衆生無著無縛解脫法無著無縛解脫智無著無縛解脫。

疏第二佛子下總結多門由心無縛令身等皆無縛著也。

菩薩摩訶薩如是迴向時如三世諸佛爲菩薩時所修迴向而行迴向學過去諸佛迴向成未來諸佛迴向住現在諸佛迴向安住過去諸佛迴向道不捨未

來諸佛迴向道。隨順現在諸佛迴向道。勤修過去諸佛成就未來諸佛教。了知現在諸佛教。滿足過去諸佛平等。成就未來諸佛平等。安任現在諸佛平等。行過去諸佛境界。任未來諸佛境界。等現在諸佛境界。得三世一切諸佛善根。具三世一切諸佛種性。任三世一切諸佛所行。順三世一切諸佛境界。

疏第二菩薩下。行成利益。初牒後顯。顯有十句。初總餘別。別中一迴向者。正起修行。二道者。常游法徑。三迴向教。四平等智。五所緣境。六功行絕修。是佛善根。七了見本源。成如來性。八無礙悲智。是佛

所行。如出現品。九無盡體用。是分齊境。

佛子。是爲菩薩摩訶薩第九無著無縛解脫心迴向。疏第三結名。從初廣說。故有心言。

菩薩摩訶薩。任此迴向時。一切金剛輪圍山所不能壞。於一切衆生中。色相第一。無能及者。悉能摧破。諸魔邪業。普現十方一切世界。修菩薩行。爲欲開悟一切衆生。以善方便。說諸佛法。得大智慧。於諸佛法。心無迷惑。在在生處。若行若住。常得值遇。不壞眷屬。三世諸佛所說正法。以清淨念。悉能受持。盡未來劫。修菩薩行。常不休息。無所依著。普賢行願。增長具足。得

一切智施作佛事成就菩薩自在神通。

疏第二位果成三種果。一現成果於中先自利後爲欲下利他。二在在下成當得果。初自利後盡未來下兼於自他。三普賢下明終成果因果無礙。

爾時金剛幢菩薩承佛神力普觀十方而說頌言。

普於十方無等尊。未曾一起輕慢心。隨其所修功德業。亦復恭敬生尊重。

所修一切諸功德。不爲自己及他人。恒以最上信解心。利益衆生故迴向。

未嘗暫起高慢心。亦復不生下劣意。如來所有身等

業。彼悉請問勤修習。

疏第二應頌。五十一偈分二。先頌位行。後二位果

前中。初三頌所迴善根。二所修下四十四頌。頌

迴向行。三過去下二頌。頌行成利益。今初云。不

爲自己等者。照理大智無私自他。同體大悲。利益

迴向。

所修種種諸善根。悉爲利益諸含識。安住深心廣大解。迴向人尊功德位。

疏二頌迴向中。但頌廣大。畧不頌甚深。以徧在廣

大中故。文二。初一偈頌普賢自分究竟。

世間所有無量別種種善巧奇特事。麤細廣大及甚深。靡不修行皆了達。

世間所有種種身。以身平等入其中。於此修行得了悟。慧門成就無退轉。

世間國土無量種微細廣大仰覆別。菩薩能以智慧門。一毛孔中無不見。

疏餘頌勝進究竟。於中前長行有三。一攝法廣大德。二卽入重重德。三微細容持德。今通頌之。但顯微細。於中分十。第一有三偈。頌世間微細智。

衆生心行無有量。能令平等入一心。以智慧門悉開

悟。於所修行不退轉。

疏二一偈頌衆生趣趣由行別故。

衆生諸根及欲樂。上中下品各不同。一切甚深難可知。隨其本性悉能了。

衆生所有種種業。上中下品各差別。菩薩深入如來力。以智慧門普明見。

疏三有二偈超頌第五衆生界。界卽根性故。

不可思議無量劫。能令平等入一念。如是見已徧十方。修行一切清淨業。

過去未來及現在。了其相各不同。而亦不違平等

理是則大心明達行。世間衆生行不同。或顯或隱無量種。菩薩悉知差別相。亦知其相皆無相。

疏四有二偈。頌第三菩薩行德。菩薩亦受衆生之稱。神通等行名顯。三昧等行名隱。餘義細詳。

十方世界一切佛所現自在神通力。廣大難可得思議。菩薩悉能分別知。

疏五十方下二十七偈。頌第四位德大用。於中三。初一總。

一切世界兜率中。自然覺悟人。師子功德廣。大淨無

等。如其體相。悉能見。

或現降神處。母胎無量自在。大神變。成佛說法。示滅度。普徧世間。無暫已。

人中師子初生時。一切勝智悉承奉。諸天帝釋梵王等。靡不恭敬而瞻待。

十方一切無有餘。無量無邊法界中。無始無末無遐邇。示現如來自在力。

人中尊導現生已。遊行諸方。各七步。欲以妙法悟羣生。是故如來普觀察。

見諸衆生沉欲海。盲暗愚癡之所覆。人中自在現微

笑。念當救彼三有苦。

大師子吼出妙音。我爲世間第一尊。應然明淨智慧燈。滅彼生死愚癡暗。

人師子王出世時。普放無量大光明。令諸惡道皆休息。永滅世間衆苦難。

或時示現處王宮。或現捨家修學道。爲欲饒益衆生故。示其如是自在力。

如來始坐道場時。一切大地皆動搖。十方世界悉蒙光。六趣衆生咸離苦。

震動一切魔宮殿。開悟十方衆生心。昔曾受化及修

行。皆使了知真實義。

十方所有諸國土。悉入毛孔無有餘。一切毛孔刹無邊。於彼普現神通力。

一切諸佛所開演。無量方便皆隨悟。設諸如來所不說。亦能解了勤修習。

徧滿三千大千界。一切魔軍與闍諍。所作無量種種惡。無礙智門能悉滅。

如來或在諸佛刹。或復現處諸天宮。或在梵宮而現身。菩薩悉見無障礙。

佛現無量種種身。轉於清淨妙法輪。乃至三世一切

劫求其邊際不可得。寶座高廣最無等。徧滿十方無量界。種種妙栴而莊嚴。佛處其上難思議。諸佛子衆共圍繞。盡於法界悉周徧。開示菩提無量行。一切最勝所由道。諸佛隨宜所作業。無量無邊等法界。智者能以一方便。一切了知無不盡。諸佛自在神通力。示現一切種種身。或現諸趣無量生。或現娑女衆圍遶。或於無量諸世界。示現出家成佛道。乃至最後般涅槃。

分布其身起塔廟。如是種種無邊行。導師演說佛所住。世尊所有大功德。誓願修行悉令盡。

以彼善根迴向時。住於如是方便法。如是修習菩提行。其心畢竟無厭怠。

疏次二十三別頌因果八相等。

如來所有大神通。及以無邊勝功德。乃至世間諸智行。一切悉知無不盡。

如是一切人中主。隨其所有諸境界。於一念中皆了悟。而亦不捨菩提行。

諸佛所有微細行。及一切利種種法。於彼悉能隨順。知究竟迴向到彼岸。

疏後三頌能知之德。

有數無數一切劫。菩薩了知卽一念。於此善入菩提行。常勤修習不退轉。

疏六有數下一偈。頌第八知劫智。

十方所有無量刹。或有雜染或清淨。及彼一切諸如來。菩薩悉能分別知。

疏七一偈。頌第六世界智。

於念念中悉明見。不可思議無量劫。如是三世無有

餘。具足修治菩薩行。

於一切心平等入。入一切法亦平等。盡空佛刹斯亦然。彼最勝行悉了知。

疏八二偈。頌第七法界智。

出生衆生及諸法。所有種種諸智慧。菩薩神力亦復然。如是一切無窮盡。

疏九一偈。頌第九知法智。以法與法界性相互舉。

前分二門。義必相通。偈居一處。

諸微細智各差別。菩薩盡攝無有餘。同相異相悉善知。如是修行廣大行。

十方無量諸佛刹。其中衆生各無量趣生族類種種殊。住行力已悉能知。

疏十有二偈。頌一切法智。

過去未來現在世。所有一切諸導師。若人知此而迴向。斯與彼佛行平等。

若人能修此迴向。則爲學佛所行道。當得一切佛功德。及以一切佛智慧。

一切世間莫能壞。一切所學皆成就。常能憶念一切佛。常見一切世間燈。

菩薩勝行不可量。諸功德法亦如是。已任如來無上

行。悉知諸佛自在力。

疏成益位果二段可知。

佛弟子陳王成。捐貲七兩一錢七分八釐。刻此

一卷伏願


先考愛峯母葛氏。仗殊勝因。獲慈怙力。光明照觸。頓超十地之階。華藏逍遙圓證。一乘之理。并冥

自身暨家眷屬。皈依三寶。駢納千祥。

大方廣佛華嚴經疏鈔卷二十一

終





漢書

卷之二十一

五



工ノ冊三

57